

LIBR. GEN. ET

2679

DE

ALGÈBRE

EPITOME
DE DAVID
FINAKENSIS
DE
LA VRAIE
ASTRONOMIE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE

ALGÈBRE


ALGÈBRE


ALGÈBRE

ALGÈBRE

ALGÈBRE







57
V. 635 Rés.

Inv. 2679

~~R 1050~~

V 638

ſtae geneveſe 1733

L'EPITOME DE DAVID FINARENSIS, ME

DECIN, DE LA VRAIE ASTRO-
logie, & de la reprouvée, auquel eſt
traité du franc arbitre, de predeſti-
nation, preſcience, providence,
deſtinée, & autres bons
paſſages.

Pater, aut abſtine.



Nul ne ſ'y frote.

*De la ſtre
medicus*

Auecq' priuilege du Roy.

A P A R I S,

Par Eſtienne Groulleau, demourant en la rue Neuue n^o.
ſtre Dame, à l'enſeigne ſaint Ian Baptiſte.



1547

unv 2673

Extrait du priuilege.



L est permis à Estienne Groulleau marchand Libraire & Imprimeur à Paris, faire imprimer, & vendre vn petit liure, intitulé: L'epitome de Dauid Finarenfis Medecin, de la vraye Astrologie & de la reprouuée, & defendu à tous autres marchands, Libraires, & Imprimeurs de ce Royaume, de non l'imprimer, faire imprimer, ou vendre en quelque sorte que ce soit, sans le gré & contentement dudit Groulleau. Et ce iusques à six ans apres que ledit liure sera acheué d'imprimer, comme apert plus à plain par priuilege du Roy sur ce depesché, signé par le Conseil Buyer, & scellé sur simple queue de cire iaune.

Acheué d'imprimer le troiesme iour
de Decembre.

A'Messire. Philiphes de Cossé, Euesque
de Constance, & grand Aumonier de
France, Dauid Finarenfis, Medec-
cin, & son humble seruiteur,
Salut.



Celle qui m'a meu, mon Seigneur,
de vous adresser ce traité, de la
vraye Astrologie, & de la re-
prouuée, n'a point esté par ce,
que i'aye estimé, que d'icelles

ne soyez aussi bië instruit, & d'autres vrayes
sciences, & des reprouuées, que leurs propres
auteurs: comme il est requis à tous vrayz Pa-
steurs & Prelatz, du nombre desquelz vous
estes, & des plus excellës, nō pour des reprou-
uées vsfer, cōme aucuns seducteurs, & abuseurs
de gēs faciles à deceuoir sont: mais pour les eui-
ter, vituperer, & cōdanner, comme estans con-
traires à nostre foy catholique, & à toutes bon-
nes & vrayes raisons: Et non moins de la co-
gnoissance de toutes autres bonnes & profita-
bles letres, mesmement des diuines. Pour des-
quelles auoir l'intelligēce, & bien vsfer, comme
ordinairement faites, auez & par long temps

a ij

telle-

EPISTRE.

tellement veillé, labouré, & pené, que iustement
 auez merité estre apellé l'exemplaire des ver-
 tuez: Mais m'a meü seulement de le vous adref-
 ser le bon vouloir, que i'ay de faire participer
 mon Seigneur & maistre de mon labeur, à l'ex-
 emple du pauvre Rustique, dont parle Plutar-
 que. Lequel voyāt que l'on portoit à Artaxer-
 xes, Roy des Perses, plusieurs dōs & presens,
 & qu'il n'auoit rien pour luy donner comme
 les autres, luy offrit de visage hardy &
 ioyeux, de l'eau, qu'il auoit puisée au creux de
 ses deux mains. Vous supliant, mon Seigneur,
 iceluy receuoir agreable, en quoy faisant, pour-
 rez estre moyen, que plus de gens le verrōt: Et
 par ce plus pourront estre detournez de plu-
 sieurs faulses & pernicieuses opinions, qui est
 la fin à quoy ie tens, lesquelles sont & des long
 temps, par gēs de legiere & mauuaise creance
 iugées & receuēs pour bonnes. Et si ie m'en a-
 perçoy, i'ose bien esperer, mon Seigneur, que du
 contentement qu'en receurez, ie feray à l'aue-
 nir chose (aydant le Createur) qui pourra apor-
 ter quelque plus grand plaisir & profit aux
 nobles espritz, & couuoiteux d'apprendre.

Fançois de Vernassal, de Quercy:
Aux Lecteurs.

*Espriz gentilz, des letres amateurs,
Qui desirez voir quelque bel ouurage,
Ie vous prix estrz amys & zelateurs
De cestuy cy, qui demande passage:
Et s'il auient que la foudre & orage
Des medisans, faulx calumniateurs,
Cessz à ce coup, vous pourrez voir (lecteurs)
L'Astrologiz au vray si bien descrite,
Que l'on dira entre les bons auteurs
Finarensis estrz vne fleur d'eslite.*

Auecq' le temps.

a iij

D'Astrologie naturelle & iudiciai-
re Epigramme, de I. P. au be-
nin Lecteur.

*Amy Lecteur, qui t'enquiers de sçauoir
Comment au vray toute chose est regie,
Il te conuient ce petit liurç auoir,
Qui difinit la vrayç Astrologie,
Lequel conclud tant par Theologie,
Que droit humain, & raison bien prouée,
La naturellç estre seulç aprouée.
Lis iusqu'au bout, ie te pry', doux Lecteur,
Tu priseras la verité trouuée
L'inuention, & sçauoir de l'auteur.*

De riens tout.

Riens du tout.

De Claude de Selua.

Incontinent que ce liurꝯ on me vid
On me pria que l'autheur ie nommassé,
Et comme i'euressendu, c'est David,
L'autre soudain ce petit liurꝯ embrasse
Et pour ce nom, qui presque tout nom passe
Deux fois le leut, puyz mꝯ vint ainsi dire:
David, amy, m'a fait ce liure lire,
Ce liure leu m'a fait David cognoistre,
Qui tāt s'en fault que moindrꝯ autheur desire,
Qu'on voit ce nom par ce liure s'acroistre.

N. Mathei in Astrologiam
iudiciariam.

Non tibi de cæli dependet limite sanæ
Iudicium vitæ, ast arte petenda via est.

a iiij.

Table des chapitres contenuz
en ce present Liure.



- Q**ue c'est qu' Astrologie, & de la diferēce qu' aucuns mettent entre Astrologie, & Astronomie. cha.i.fu.i.
Inuenteurs & auteurs de l' Astrologie. Chap.ii.fu.ii.
Astrologie diuifée en la vraye, & en la faulſe. Chap.iii.fu.iii.
En quoy conſiſte la vraye Astrologie, & iuſques à qu' elle fin elle s'eſtend. Chap.iiii. fu.iiii.
En quoy cōſiſte la faulſe Astrologie & de ſes noms & ſectateurs. Chap.v.fu.x.
Que la vraye Astrologie eſt vtile & louable, ou eſt traité du franc arbitre, de predeſtination, preſcience, prouidence, & de fato, & de l'expoſition du paſſage Conſtituiſti terminos. &c. Chap.vi.fu.xiiii,
La faulſe Astrologie dannée & reprouuée par les Philoſophes, & Medecins anciens & modernes. Cha.vii.fu.xxxiiii.

T A B L E.

Que ladite Astrologie ne peult, ou doit estre apellée science. Cha. viij. f. xxxviij

Responſes aux argumens de ceux, qui s'eforcent la confermer par authoritez d'Hipocrates, Aristote, Galien, & autres.

Chapitre ix. fueil. xliij

Confutation d'icelle, tant par authoritez de la sainte escriture, que des saints Docteurs de l'Eglise, Cha. x. fu. l.

Qu'elle est aussi reprouuée tant par conciles de l'Eglise, que par les droits canon, & civil. Chapitre xi. fueil. lvij.

Auxilium meum à domino. Psal. 120.

Proëme, au Lecteur.



Si nous considerons, & de pres
contemplons nostre nature, e-
stat, nourriture, & instructiõ,
ainsi que deuons faire: la mul-
titude aussi des choses obscu-
res, confuses, par la diuersité des espritx, &
fardées, par l'eloquence des Orateurs: la ma-
lice, gloire, enuie & cupidité des honneurs: la
pluralité, & profondeur des sciences: la breui-
té de noz vies pour l'intelligence d'icelles, ne
trouuerons point estrange (amy lecteur) si de
tout temps y a eu gens escriuans les vns cõtre
les autres, à tous lesquelx deuons graces, pour-
ce qu'ilx ont (comme dit Aristote, seconde lu-
miere des Philosophes) exercité nostre enten-
demẽt. Et en outre que par les escritx de ceux
par lesquelx les autres sont trouuez iustement
vaincuz, cognoissance nous est donnée de ce
qui nous estoit incogneu. Et pour ce m'a s'ẽblé
ne deuoir aucunemẽt craindre te presenter ce
petit traité, contre l'Astrologie iudiciaire, ou
diuinatrice, non point que pour iceluy i'espere
(moy moindre de tous) effacer de la ceruelle
des

P R O E M E.

des professeurs d'icelle ladite Astrologie: cō
 bien qu'elle ne soit que pour mensonge & cho
 se inuentée, par l'astuce & malice du diable,
 pour abuser ceux, qui sont de legiere creance,
 & qui ont leurs entendemens abreuez du iust
 de folie, veu que c'est chose difficile d'extirper
 vieulx erreurs, & que plusieurs saintz Do-
 cteurs, & autres de sçauoir inuestigable, ne
 l'ont iamais peu faire: pourtant (cōme dit Ga-
 lien) que vehemente & grande ignorance est
 vn vice, qui ne se peult efacer, & principale-
 ment quand elle est coniointe auecq' orgueil.
 Et s'ilz n'auoient autre cognoissance de leur
 erreur, à tout le moins deuroient ilz croyre
 à l'experience, qui est telle, que de cent choses
 qu'ilz nous promettent, s'ilz n'ont causes na-
 turelles & necessaires, desquelles on peult par
 Astronomie predire, à peine en voit-on vne,
 ou il n'y ayt plus, ou moins: & que aussi bien
 ne puisse auenir accidentalemēt, qu'autremēt,
 & que non moins auiennent au temps qu'ilz
 pronostiquent le contraire. Pourquoi s'ensuit,
 que l'ignorance de telles gens est sans espoir
 de iamais estre amandée. Ainsi seroit il folye
 à moy d'y travailler. Pour lesquelz n'ay point
 fait

P R O E M E.

fait cest oeuvre: mais seulement pour ceux, qui
 sont amateurs de verité, & qui se delectent à
 obeïr à raison, lesquelz par iceluy pourront
 voir, qu'à bonne cause ay escrit contre ladite
 Astrologie, veu les inconueniës qui iournelle-
 ment en auiennent à gens malades, pour l'atē-
 te des iours, que les professeurs d'icelle apel-
 lent esleuz, tant pour bailler medecine, faire
 seignéés, & autres operations manuelles, de-
 uant la venue desquelz le plus souuent les pa-
 ciës mourroiët, que pour autres negoces, cōme
 pour commencer edifices, reparer chasteaux,
 bailler alarmes, enuoyer embassades, presen-
 ter requestes, acōplir choses secretes, qu'o de-
 sire estre celées, soufler pour l'alchemye, faire
 entreprises, & autres choses, que i'ay honte de
 reciter, que publient & conseillēt estre faites
 & gardées ces gentilz Astrologues, grands
 espergneurs de verité, par leurs libelles intitu-
 lez des elections & cōmencemens de tous ou-
 urages: Au dire desquelz l'on voit non seule-
 ment les simples gens: mais (qui plus est) plu-
 sieurs gens d'estat aïouster foy, souz couleur
 des choses que par foyz predisent au vray, par
 la consideration des choses ayans causes na-
 turelles

P R O E M E.

*turelles & necessaires, cōme sont les eclipses
 du Soleil & de la Lune conionctione op-
 positionis, & autres aspectz d'iceux, dont
 l'on peult auoir certaine cognoissance par la
 science de ladite Astronomie & non par le
 moyen de l'Astrologie iudicaire, comme tu
 pourras cognoistre par la lecture de ce traité,
 & mesmemēt par les chapitre de chacunes à
 part ce qui m'a semblé plus que necessaire de
 faire, à fin de monstrer visiblement la grande
 tromperie & diabolique inuention des profes-
 seurs de ladite Astrologie, souz couuerture
 de laquelle Astronomie commettent les pro-
 fesseurs d'icelle Astrologie iudiciaire leurs
 abuz, lesquelz sans ainsi faire seroient facile-
 ment cogneuz, & iceux professeurs par ce
 moyen priuez du gain iniuste qu'ilz font, au
 detrimēt non seulement du commun popu-
 laire: mais de plusieurs grands seigneurs, les-
 quelz de ce non auertiz se laissent tāt en leurs
 maladies, qu'en leurs plus grands affaires cō-
 duire & gouuerner par eux, seduitz possible
 & aucū desditz professeurs & Medecins,
 par aucū autres Medecins barbares peu Chre-
 stiens en cest egard, qui ont icelle Astrologie
 en*

PROEME.

en fait de Medecine, comme de purgatiōs, sci-
gnées, & autres choses par trop indiscrete-
ment autorisée, de laquelle Astrologie iudi-
ciaire n'ont entendu aucunemēt parler les bōs
autheurs & autres, qui apellent Astronomie
Astrologie: mais de la naturelle Astrologie
seulement, qui parle de la science de ladite
Astronomie, & nō des abuz folies, & resue-
ries contenues par les reigles d'icelle Astro-
logie iudiciaire damnée & reprouuée par tou-
tes gēs de biē, & de bō sçauoir. Et ce ont fait
les professeurs d'icelle, à fin de demōstrer que
ce n'est qu'un Astronomie & Astrologie,
taisant ladite iudiciaire chose du tout repugnā-
te à verité, comme par les raisons & authori-
tez en ce traité contenues vn chacun pourra
facilemēt iuger, lequel plustost t'eusse presēté,
n'eust esté, que i'ay veu, que pour mieulx la ma-
nifester telle, me cōuenoit traiter de predesti-
natiō, presciēce, prouidēce & de destinée, pour
du tout faire aparoir, que nostre liberal arbi-
tre (qui selon telz gens ne seroit aucunemēt, si
leur supposée science estoit veritable) ne nous
est point tolu, par la predestination, ne par la
prescience, ou prouidence, ne par ce qui est no-
nom-

P R O E M E

nomé destinée, ne aussi par influëces célestes,
 ne autrement. Et d'auantage faire aparoir,
 que par le passage de Iob, Constituisti ter-
 minos eius, qui preteriri non poterunt:
 n'est (comme plusieurs s'eforcent mōstrer) l'v-
 sage de Medecine nul, lequel (à la verité) se-
 roit tel, si leurs espritx n'estoient ofusquez
 par les tenebres d'ignorance, choses gran-
 dement ardues à escrire, en maniere qu'on ne
 tollisse le liberal arbitre. Pour à quoy obuier
 ioint que ce n'estoit pas ma propre vacation,
 m'y a conuenueiller, & grandement peiner,
 qui a esté la cause de mō retardemēt, ne pour-
 ce qu'en ay mis & redigé par escrit, graces à
 Dieu, vraye source de tous biens, se trouuera
 aucunemen taxé nostre liberal arbitre. Ains
 plustost, par viues raisons & autoritez ir-
 refragables, illustré & rendu plus clair, n'aussi
 chose qui soit contraire nostre foy catholique,
 ny pareillement aux vrays & salutaires ca-
 nons de nostre science & art de Medecine cō-
 me le tout estant bien digéré & toutes affe-
 ctions (perturbatiues de vrays iugemens) de-
 laissées, cognoistras ce que ie dy facilement.
 Te supliant (amy & studieux lecteur) pren-
 dre

PROËME.

dre en bonne partie ce mien labeur, ce que fai-
sant me bailleras hardiesse d'auancer mon estu-
de, & mettre en auant quelque autre ceuvre, se-
lon la mediocrité de mon esprit.

Fin du proëme.

L'EPITOME DE DAVID

FINARENSIS, MEDECIN: DE

la vraye Astrologie, & de la
reprouée.

Que c'est qu'Astrologie, & de la diferen
ce, qu'aucuns ont fait entre Astrono-
mie & Astrologie.

Chapitre

Premier.



*Strologie, pour commencer à
la declaration du mot, par la-
quelle toute disputation doit
prendre son commencement, à
ce que l'on entende ce, de quoy*

l'on veult parler, vaut autant comme sermon, Astrologie.

*ou propos des astres & estoiles, souz lequel
nom est comprins la science parlant des estoi-
les tant fichées & immobiles, comme de cel-
les, qui sont apellées planetes, ou estoiles mobi-
les & courantes, & pareillement des cieux,
c'est à sçauoir des nombres, mouuemens, & or-
dre d'iceux, & aussi des polz & signes cōpo-
sez d'estoiles diuerfes, aparantes, & puy ca-
b cheés*

DE LA VRAIE ASTRO.

chées selon la diuersité des saisons de l'année, ainsi que plus à plain est décrit es liures Grecz & Latins de la Sphere, signes & figures celestes, & d'autres Autheurs ayans traité icelle science, laquelle aucuns ont aussi apelé *Astronomie*, qui est à dire la loy des astres. Entre laquelle diction, toutesfois, & la precedente, les autres ont voulu mettre ceste difference, qu' *Astronomie* est celle, qui traite & décrit la situacion des estoiles, le temps qu'elles aparoiſſent, ou sont souz terre, & defaillent, quelz cours, ou mouuements elles ont, & en quelles parts, d'Orient, d'Occident, Mydi, ou Septentrion, & *Astrologie*, celle qui (par ce que dessus est dit) iuge des choses à venir & fait coniecture d'icelles : Toutesfois ces deux dictions sont quelque fois confondues, & prend l'on l'une pour l'autre. Vray est que en parlant de la science des astres en mauuaise part, & en ce qu'elle est abusue, l'on vse plus du nom d' *Astrologie*, que de l'autre: combien que de soy il n'emporte chose plus mal sonnante, ou signifiant, que l'autre: & est le nom d' *Astrologie* plus commun, qui est la cause pour laquelle par le discours du present li-
ure

ure plus souuent en vserons, tant en bonne, que
contraire part.

Inuenteurs & Autheurs de l'Astrologie.

Chapitre II.



DEs Inuenteurs d'Astrologie y
a eu plusieurs opinions: car Io-
sephe, qui a escrit des antiqui-
tez du peuple Iudaïque, dit,
qu'Abraham, ayant d'icelle co-
gnoissance, la monstra premieremēt aux Egiptiens,
qui peult auoir esté la cause, pourquoy
aucuns on dit les Caldées (du nombre desquelz
estoit Abraham & ses successeurs) auoir esté
inuenteurs d'icelle: les autres, les Egiptiens,
non scachans qu'iceux Egiptiens l'eussent a-
prinse d'autre. Quant aux Græcz, ilz ont esti-
mé Atlas auoir esté inuenteur d'icelle: &
à ceste ocasion les Poètes ont de luy escrit,
qu'auccq' les espaulles il soustenoit le ciel.
Aucuns l'ont atribué à Mercure Trisme-
giste, tresnoble Philosophe & Theologien an-
b ij cien

DE LA VRAIE ASTRO.

cien . Bien est il certain, que ceste science n'a pas esté trouuée en vn mesme temps , & par vn mesme esprit, ains par plusieurs : mais ie dy bien , que les premiers , qui trouuerent les fondemens d'icelle , sont dignes d'amiration estans retirez & sequestrez de toutes pensées mondaines : veu que ayans consideré les mouuemens des cieux , les mutations & successions des temps , & saisons , les cours certains & infalibles des astres , les espaces du temps, ou interuales d'iceux , & entre iceux, & tout ce reduisans en vne consonance & bon ordre, establirent ceste celeste & quasi diuine science, ainsi que tesmoigne Ouide au premier liure de ses Fastes, disant: Qu'il est croyable ceux qui premier l'ont inuentée auoir (estās separez de routes voluptez & souciz mondains) esleué beaucoup plus hault leur teste & pensée, que tous autres hommes n'ont acoustumé de faire. Entre ceux qui en ont escrit, & dont nous auons les liures , sont grand nombre d'Arabes , desquelz les noms sont tous barbares & aux anciens Latins incogneuz: mais le plus aprouué & receu entre les Græc & Latins a esté & est Ptolomée , iadis d'Ale-

Ptolomée.

xan-

xandrie, qui a pare scrit mis les rigles & canons, pour cognoistre tous mouuemens des astres, lequel ont suyuy plusieurs des Latins, qui depuys ont composé liures d'icelle sciëce.

Astrologie diuifée en la vraye,
& la faulse.

Chapitre III.



Eux qui ont traité de l'Astro- Vraye Astro-
logie.
logie, l'ont diuifée en la naturel

le, contenant les discours du Soleil, de la Lune, & autres estoilles, ou corps celestes, & des saisons & mutations auenans es cieux, & à la terre en general, au moyen d'iceux : cōme sont des eclipses, des chaleurs, froidures, accroissemens, décroissemens, tant de la mer, que des corps inferieurs, estans tant en icelle, qu'en la terre, & autres choses semblables auenans naturellement. En la faulse, ou diuinatiue, laquelle Faulse.
le non contente de cognoistre & iuger par les astres & estoilles des saisons du temps, conuersions du ciel, & mutations de l'air au-

biij nans

DE LA VRAIE ASTRO.

nans par le moyen des cieux, & corps supérieurs, estans en iceux, entreprennent d'auantage de deuiner des choses à auenir, tant en general es Royaumes, provinces, viles, qu'aussi en particulier es personnes, tant des Princes & Seigneurs, comme de priuez & subietz: promettans la verité & certitude des choses futures & nécessité de consequence, comme si les astres estoient dominateurs de toutes choses, disposans & d'icelles & de nos pensées, & œuvres à leur vouloir, & selon leurs mouuemens, situations & regardz, dont sera plus amplement parlé cy apres: par ce que d'icelle nous entendons tenir plus long propos au liure present, & monstrent non seulement la faulseté & impossibilité de ce que luy attribuent ses sectateurs: mais aussi les iugemens qu'en ont fait les anciens Philosophes, & saints Docteurs de l'Eglise, des sentences & opinions desquelz nul ne peult faire doute aucune.

En quoy consiste la vraye

Astrologie.

Chapitre.

III



Pour plus particulièrement
 parler des deux especes susdi-
 tes, vault mieux particuliere-
 ment deuifer de chacune à part
 soy. Et en premier lieu de la
 vraye Astrologie, en quoy elle consiste, &
 iusques à quoy elle s'estend par raison, sans pas-
 ser plus outre. Nous disons doncques ceste A-
 strologie consister auant toute œuure en la co-
 gnoissance de la Sphere, laquelle Sphere entie Sphere.
 re est vn instrument, par lequel est représentée
 la figure du monde cōtenant en soy tant la ter-
 re, que les cioux qui icelle enuironnēt. En la cō-
 mune l'on met la terre au mylieu, enuironnée
 de dix cercles, six grands partissans la Sphe- Six grands
 re entiere en deux portions pareilles & e- cercles.
 gales, & quatre moindres, partissans icelle
 en deux parties inegales & dont l'une est
 plus grande, l'autre moindre. Des six grands
 l'un est apellé l'Equateur ou partisseur, egal Equateur.
 dit: par ce qu'il partist & diuisé la Sphere, &
 par consequent la terre en deux parties egales
 passant tout droit entre les deux polz du mon-
 de, & diuisant le ciel également en deux pars,
 autrement dit Equinoctial: par ce que quand
 biij le So-

DE LA VRAIE ASTRO.

le Soleil passe par iceluy (ce qui nous auient deux fois l'an) c'est à sçauoir au commencement de son entrée en Aries, qui est au moys de Mars, & en son entrée en Libra, qui est en Septembre, les iours & nuitZ sont de pareille longueur, & est ceste la cause pourquoy il a ainsi esté nommé Equator, c'est à dire faisant les nuitZ pareilles & egales aux iours. Ce qui auient pour toute l'année à ceux qui demourēt es endroitZ de la terre, respondans & assiz souz iceluy, & est ce cercle tout droit en la Sphere. L'autre apellé Zodiac, ou portesigne, n'est droit comme le precedant: mais va en coste & trauers, fendant à ce moyen le precedant en deux endroitZ, qui sont vers le commencement d'Aries, & vers le commencement de Libra signes celestes, & a esté ainsi nômé, parce qu'en iceluy sont comprins les douze signes du ciel, que nous pouuõs en nostre langage

Zodiac.

12 signes ce
lestes.

apeller, Aries, le Mouton: Taurus, le Toreau: Gemini, les Iumeaux: Cácer, l'Escreuiffe: Leo, le Lyon: Virgo, la Vierge: Libra, la Balance: Scorpi⁹, le Scorpiõ: Sagitarius, l'Archer, ou tireur d'arc: Capricornus, le Cheureau cornu. Aquarius, le verseur d'eau: Pisces, les Poissons.

Dont

Dõt apert iceluy cercle estre diuise en douze portios, qui sont les douze signes susditz, cõte nãs chacũ trẽte degrez, lesquelz en tout font trois cens soixante degrez, valant chacun degre soixante minutes, que contient iceluy Zodiac. Et combien que les autres cercles de la Sphere doiuent estre prins & imaginez comme simples lignes, sans largeur aucune: toutes fois cestuy est non comme vne ligne: mais cõme vn parhors, ou dessus, que les Latins disent superficies, de largeur il a douze degrez valants autãt cõme les precedãs. Au mylieu d'iceluy y a vne ligne le partissant en deux, apelée Ecliptique, pource que les eclipses ou defaillances du Soleil & de la Lune n'aniennent sinon lesditz Soleil & Lune estãs en icelle en mesmes, ou oposites degrez: de mesmes, en l'eclipse du Soleil: en oposites, en celle de la Lune. En icelle ligne, ou bien souz icelle est tousiours le cours du Soleil, sans iamais en departir: ce qui n'est des autres planetes ayãts leurs cours quelquefoys souz icelle, quelquefoys plus en çà, ou en là. Le tiers & quart se nomment Colures, ou cercles imparfaitz: parce qu'ilz n'aparoissent à nous iamais entiers: mais

Ecliptique.

Colures.

DE LA VRAIE ASTRO.

Equinoce.

Solstice.

Meridien.

mais comme acourciz s'entrecroifans droitement l'un l'autre en passant par les polz du monde, desquelz l'un est dit des Equinocces trauersant par les commècemens d'Aries & Libra, l'autre des Solstices, trauersant aussi par les premiers degrez ou commencement de Cancer & Capricornus. Equinoce signifie le tēps & saison, que les nuitz sont egales aux iours, qui nous auient deux foys l'année, comme a esté escrit cy dessus. Solstice signifie la saison, que le Soleil s'arreste, estant ou au plus hault, ou au plus bas de son cours & reuolution. Ce qui auient aussi deux fois l'an, aux plus lōgs iours en esté, moys de Iuing, le Soleil estāt en Cancer, & au plus courts en Hyuer, moys de Decembre, le Soleil estant en Capricornus. Par ces deux colares, lesquelz partissent tout le ciel en quatre portions egales, se peuent aisément comprendre & entendre les quatre diuers tēps ou saisons de l'année, que nous nōmons le Printemps, l'Esté, l'Autonne, & l'Hyuer. Le cinqiesme est le Meridien, que les Astrologiens imaginent estre un cercle passant par les deux polz du monde, & par le poinct estant au ciel droitement sur nostre teste,

ste, lequel poinct ilz appellent Zenith, & par ^{Zenith,}
 iceluy Meridien nous cognoissons en quelle di-
 stance nous sommes de l'Orient ou Occident,
 & du pol. Le sixiesme est dit Horizō, mis & ^{Horizon.}
 imaginé en la Sphere, pour clorre & terminer
 tout à l'entour la part & moytié du ciel estât
 sur nous, & laquelle nous voyous contre celle,
 qui est à l'oposite de nous, & que ne nous pou-
 uons voir ensemblemēt avecq' l'autre. Et sont
 iceux les six grands cercles de la Sphere a-
 uecq' les causes pour lesquelles ilz ont esté de-
 nommez de ceste sorte. Des quatre moindres, ^{4. moindres}
 l'un est nommé le cercle Arctique, qui vault à ^{cercles.}
 dire Ourfal, & est celuy que le pol du Zodiac ^{Cercle Ar-}
 fait par le mouuement du premier mobil, ^{ctique.}
 qui est le neufiesme ciel à l'entour du pol Ar-
 ctique du mode, distāt du pol de l'Ecliptique de
 vingttroys degrez & de vingtneuf minutes.
 Pour mieux entēdre fault suposer, que les A-
 strologiens figurent le monde en forme d'une ^{Figure du}
 boule ronde, non pas massiue, mais cōme creu- ^{monde.}
 se, de certaine espesseur à l'entour, cōtenant en
 soy plusieurs autres telles boules particulieres
 toutes comprinses dedans la premiere, & a-
 moindrissans tousiours l'une dedās l'autre, cō-
 me

DE LA VRAIE ASTRO.

me l'on voit en plusieurs escuelles, ou autres choses profondes estans l'une dedans l'autre. Au mylieu & dedàs le plus estroit de laquelle boule sont la terre & autres trois elemèts, faisant la premiere boule ou globe: le deuxiesme est le ciel de la Lune. Le troisièsmes est celui de Mercure. Le quatreiesme, de Venus. Le cinqiesme, du Soleil. Le sixiesme, de Mars. Le septiesme, de Iupiter. Le huitiesme, de Saturne, qui sont les sept planetes ou estoiles errantes en montant, ou descendant, & non fermes. Le neufiesme, est le ciel contenant vn nombre infiny d'estoiles fermes & fichées, & sàs monter ou descendre à part elles, desquelles estoiles sont cõposez les signes du Zodiac, que cy dessus auõs declaré, & plusieurs autres figures & images, iusques au nõbre de quarãte huit, lesquelles à diuerses saisons nous apparois sent, ou sont cachées au ciel, & est ce ciel cõmunément appellé le firmament. Le dixiesme est celui qu'ilz apellent le premier mobil, ou neufiesme ciel ayant son mouuement d'Orient en Occident, reuenant audit Orient, & ce sur les gonz, ou polz du monde. Pour enten dre

Sept plane-
ses.

Le ciel dit
firmament.

Premier mo-
bil.

dre lequel nom de pol, fault suposer, que les
 Astrologiens comparent iceluy ciel, & tous
 les autres, à plusieurs boules telles que dessus,
 percées par le mylien, par lequel mylien tra-
 uerse vne ligne en forme de verge, ou baston,
 passé parmy vne boule, laquelle ligne ilz a-
 pellent *Axis*, sur laquelle ligne se tournent les *Axis*.
 ditz cieux, dont les deux boutz d'icelle ligne,
 qui aparoiſſent cōme deux estoiles par le de-
 hors des dessus, de ce huitiesme ciel, sont par
 iceux Astrologiens apellez les polz ou gödz *Polz*.
 du mōde, dōt l'un est appellé le pol *Poi Arctique* Arctique,
 & en nostre langue, comme dessus a esté dit,
 Ourſal, qui est celuy que nous estans en ce païs
 voyons: ainsi nommé, parce que à l'entour &
 pres d'iceluy sont deux signes celestes, l'un a-
 pellé la grand' Ourse, l'autre la petite Ourse.
 Et parce que iceluy pol est du costé de la Bise,
 ou Septentrion, l'on l'apelle aussi Boreal, ou Se-
 ptentrionnal. L'autre est appellé & nōmé An-
 tarctique, en nostre langue Cōtr'ourſal: par ce
 qu'il est à l'oposite de l'Ourſal vers le Mydy
 & à ceste cause est appellé Meridiōnal, lequel
 nous ne pouuons voir, mais bien les habitans à
 costé & à l'oposite de la partie de la terre,
 en

DE LA VRAÏE ASTRO.

Cercle An-
tarctique.

Cercle Tro-
pique de Câ-
cer.

Cercle Tro-
pique de Ca-
pricorne.

en laquelle no^s sommes. Le secôd cercle moïn-
dre se nôme *Antarctique*, la cause duquel, & cõ-
mêt il est créé par la circunvolutiõ ou enuiron-
nement, que fait l'autre pol du Zodiac à l'en-
tour du pol *Antarctique* du môde, se peult as-
seZ entendre, par ce que dessus a esté escrit.

Le tiers est le *Tropique de Cancer*, ou du Sol-
stice d'esté, qui est le cercle que fait le Soleil
estant à l'entrée & commencement du Signe
de *Cancer*: & par ce le mouuemêt du neuflies-
me ciel, apellé le premier mobil, & est ainsi
nommé, parce que le Soleil ayant icluy fait
par son dit mouuement, qui est lors qu'il apro-
che au plus pres de nous ne passe plus oultre,
mais retourne. Le quart est le *Tropique de Ce-
pricorne*, ou du Solstice d'Hÿuer, que le mes-
me Soleil fait estant au commencement de *Ca-
pricorne*, par le mouuement aussi du premier
mobil, & lors qu'il est le plus esloigné de no^s,
& sont ainsi nômez, par ce que lors le Soleil
retourne. Et cõbien que l'on estime que la ter-
re comparée au ciel, ne soit sinon comme vn
point estant au mylieu d'un grand cercle ou
boule cauée, si est ce que par cinq des cer-
cles susditz estans en la Sphere, les anciens
l'ont

l'ont diuifée en cinq parties, autrement par eux
 appellées ceintures. Dont l'une est le cercle Les cinq
ceintures
de la terre.
 Arctique, l'autre le Tropicque de Cancer :
 La tierce, l'Equateur ou partiffeur. La quarte,
 le Tropicque de Capricornus: La quinte, le cer-
 cle Antarctiq'. D'icelles ceintures ont fait
 mention Virgile en ses Georgiques, qui sont
 liures parlâts du labour de la terre, & Ovi-
 de au premier de ses Metamorphoses, ou trās
 formations, difans, que des cinq, les deux, qui
 sont l'Arctiq', l'Antarctiq', ou bien les en-
 droitz de la terre situez souz iceux, sont in-
 habitables, pour l'exceſſif froid qu'il y fait.
 La tierce pareillement, qui est l'equinoctiale,
 pour la chaleur exceſſiue. Les deux autres des
 Tropiques reſtans habitables, pour les froidu-
 res & chaleurs atrépées y eſtās. Mais nō con-
 tents de ceſte diuiſion les autres l'ont encores
 diuiſée par Paralleles & climatx. Paralleles.
 Paralleles ſont lignes tirées en certaines diſtances, & a
 coſté l'une de l'autre entre les deux pōlz au
 ciel enuirō la terre, en forme de cercles, tirans
 tout droit ſans ſ'entrecroiſer ou rencōtrer. Climatx.
 Climatx ſont les regiōs ou eſpaces de terre eſtās
 entre icelles lignes paralleles, que les Coſmo-
 graphes

DE LA VRAIE ASTRO.

Huict cli-
matz.

graphes descriuants la figure du mode ont dit estre sept, ou huit en nombre, distingez, par la difference de plus longs iours qu'ont de demye heure ou enuiron les vns sur les autres, prenant leur nom des lignes paralleles. Et par ce que la premiere traaverse par Meroë cité d'Aphrique, l'autre par Syené cité d'Egypte: la tierce, par Alexandrie, aussi cité d'Egypte: la quarte, par Rhodes, Isle de l'Asie la moindre: la cinquiesme, par Romme cité d'Italie, tressameuse: la sixiesme par Boristhenes, l'un des grands fleuues des Scytes: la septiesme par les monts Riphées du país de la Sarmathie: la huitiesme par Thule, Isle de la grand mer Occéane oultre l'Angleterre & Isles appellées Orchades: à ceste cause l'on appelle le premier Climat par Meroë, qui vault autant comme ayant sa ligne parallele passant par la cité de Meroë. L'autre, par Syené en la mesme signification, & consequemment des autres, auxquelz sera aysé d'en aionster d'autres, tirans vers le Midy à qui cognoistroit les autres regions de la terre sises vers iceluy Midy, sous autres parties du ciel: par ce que iceux anciens Cosmographes n'ont fait mentiõ que

que des regions desquelles ilz auoient eu cognoissance . Par les lignes susdites Paralleles l'on iuge aysément de la distance des païs, citez, & autres lieux, les vns des autres, par la vicinité, ou elongation des polz du monde, & encores plus aysément par les Meridiens, qui sont autres cercles imaginez au ciel, partisans la terre en moindres parts beaucoup que les Parelleles, par lesquelz nous iugeons les largeurs tendans de l'un à l'autre pole, cōme les longueurs par les Paralleles qui tendent d'Orient en Occident. Aussi (d'autant que ne voulons à present traiter toute l'Astrologie, ains seulement en toucher comme vn mot, pour donner à entendre les parties d'icelle, & en quoy vrayment elle consiste) l'on cognoist les mouuemens, tant du huitiesme ciel, que du Soleil, quand il monte en allant vers l'Equateur, ou decline vers les deux Tropiques, dont est causée la diuersité des Oriens, & Occidens, qui sont au temps d'esté, d'hyuer, & de l'Equinoce, lequel a son mouuement en son ciel, & autres planetes, contraire à celuy du neuuesme ciel: parce que chacune Planete a son ciel qui se tourne sur ses polz particuliers de la

DE LA V A R I E A S T R O .

des
7. Planetes.

Mouvement
Occidental.

part d'Occident par Mydy allant en Orient,
& retournant en iceluy Occident, selon lequel
mouuement chacun Planete fait son cours en
certaine espace de temps, comme Saturne en
trente ans, Iupiter, en douze, & ainsi con-
sequemment les autres. Lequel mouuement tou-
tesfois du neufiesme ciel est plus fort que celuy
des autres ciels, & les tourne vne fois durãt
le iour & la nuit, & se nomme ce mouuement
Occidental, comme l'on pourroit dire d'un
homme estant en un basteau, lequel a son mou-
uement propre, encores se meut & change de
lieu, selon que va le basteau, qu'aussi les com-
mencemens & natiuitez, ou aparances des
signes chacun en sa saison, & quand ilz se de-
partent de nostre veüe, par le moyen dequoy a-
uiennent plusieurs mutations au temps, comme
de pluyes, vents, tonnerres, tempestes, par la
dispositiõ de l'air causée à l'auenemẽt, demou-
rance, ou departement d'iceux, dont nous de-
laisserons à plus auant parler pour le present,
tendants au principal de nostre traité.

En

En quoy consiste la faulſe Astro-
logie, & de ſes noms & ſe-
ctateurs.

Chapitre V.



L'Astrologie, que nous diſons
faulſe, & abuſiue, autrement
dite iudiciaire & diuinatoire,
giſt (ſelon qu'ont eſcrit les ſe-
ctateurs, d'icelle) en l'obſerua-
cion des heures & parties du ciel, leſquelles a-
uecq' les aſtres eſtans en icelles, à chacun in-
ſtant ſe monſtrent & aparoiſſent en montant
vers l'Orient, laquelle partie eſt apellée par
eux Horoscope, ou aſcendant, lequel ilz re-
gardent & obſeruent diligemment, tant à l'in-
ſtant de la natiuité des perſonnes, eſperans par
celà, & par la reuolution du ciel cōſecutiue di-
uiner & predire, nō ſeulement les inclinatiõs na-
turelles d'icelles à bien, ou à mal, ou à certaines
ſciences & arts, pluſtoſt qu'aux autres : mais
auſſi les bonnes, ou mauuaises meurs, l'heur ou
malheur, ſanté, ou maladie, pauureté, ou riches-
ſe : & finalement la longueur, ou brieueté de
vie

Horoscope
ou aſcendant

DE LA VRAIE ASTRO.

12 mansiōs
Astronomi-
ques.

vie, & à l'instāt du commencement de tous ou-
rages, & entreprinſes, cōme de baſtimens de
viles, chasteaux, & maisons, nauigatiōs, voya-
ges tant pour marchander, qu'autres affaires:
& en general de toutes entreprinſes qui peu-
uent eſtre faites par les hommes, promettēt di-
uination certaine de tout ce qui peult auenir:
& souſtiennent que nul ne doit rien entrepren-
dre, ſans premierement auoir eu leur auis. Et
non contans de ce, encores afferment pouuoir
certainemēt parler de ce qui eſt à auenir apres
la mort, cōme de gloire, renommée & meſme-
ment de la grace de Dieu, & ſalut de la per-
ſonne. Et conſiſte ceſte ſcience, comme ilz di-
ſent, en la diuiſion de douze mansiōs par eux
inuentées, à chacune deſquelles ilz atribuent,
& en icelles mettent choſe diuerſes. Cōme en
la premiere l'eſtat de l'ame & du corps de la
perſonne, dont eſt queſtion, des membres, de la
reſte, & parties d'icelle: y mettent auſſi le biē
& mal d'un chacun, & ſelō que les Planetes
ſont en icelles māſiōs ou fors, ou fortunez &
ſans contrarieté, ou foybles ou infortunez, ay-
ans quelque regard empeschāt en tout, ou par-
tie leur effait, ſelon ce determinant de ce qui
eſt à

est à auenir à bien, ou à mal, du contenu souz
 lesdites mansions. Disent aussi, aucuns des Pla ^{Complexiōs}
 netes estre masles, les autres femelles, aucuns ^{des Plane-}
 terrestres, les autres aquatiques, autres te-
 nans de l'air, autres du feu, les vns chaudz, les
 autres froidz, les vns Orientaux, les autres
 Occidentaux, Septentrionaux, Meridionaux,
 les vns signifians choses haultes, les autres bas
 ses, les vns signifians maladies chaudes, les au
 tres froides, aucuns demonstans vne couleur,
 les autres vne autre : & le pareil est des me-
 taux, complexions des personnes, viandes, be-
 stes, lettres, iours, heures, saisons de l'année, sec,
 humide, masles, femelles, & tant d'autres diui
 sions & significations particulieres, par eux
 songées & controuuées, que ce seroit ouurage
 treslong, qui vouldroit tout raconter.

Quant à l'inuention, aucuns l'ont voulu attri ^{Inuenteurs}
 buer aux espritz malins, ayās par ce moyē vou ^{de la faulce}
 lu persuader aux hōmes, qu'ilz cognoistroient ^{Astrologie.}
 les choses à venir, & que tout ce faisoit par la
 disposition des astres, & non pas de Dieu le
 createur, opinion trespernicieuse : Toutesfoīs
 nous trouuons les premiers qui en ont fait pro
 ciij fession

DE LA VRAIE ASTRO.

profession auoir esté les Caldées, & depuis les Arabes, & Egiptiens, qui grandement l'ont augmentée & depuis eux y a eu quelques Græcs, comme Ptolomée, & Latins, cōme Iulius Firmicus, & plusieurs autres en diuers temps, qui en ont fait estime, mesmement des Empereurs Tybere, Domitian, & Iulia l'Apostat, dont les noms seulement, & non les œuvres, sont paruenus iusques à nous : les autres les ont plus communément appellez Caldées, Babiloniens, & Magiciens, les Græcs & Latins, Mathematiciens, & Genethliacs, qui vault à dire Deuineurs de ce qui est à auenir à la personne, par la cognoissance de l'heure & temps de sa natiuité. Aucuns l'ont voulu coliquer souz la partie & science de Medecine, disans nul ne se pouuoir à iuste cause dire Medecin, sans l'intelligence d'icelle & obseruation de ses reigles & documens, dequoy sera cy apres plus au long parlé, par les authoritez & ditz de Galien, Auicene, & autres, qui ont excellé en l'art de Medecine. Mais la verité est, que iamais nul art, ou science, ne fut si reprouuée, qu'elle ne trouuast des sectateurs, qui pour la faire valoir & mettre en estime, la couurissent

sent & decorassent de quelque nom de science aprouuée, ce qu'a esté fait en ceste cy. Par ce que les enseignants d'icelle se sont armez, non seulement du nom de Medecine: mais aussi d'Astrologie & Mathematique, sciences (ostée ceste diuinité) tresbonnes & aprouuées, lesquelles ont, entre autres, merité d'estre par grande excellence apellées singulierement sciences. Et pour plus amplement monstrer quelz sont les enseignemens des auteurs de ceste science, ne sera sans propos en reciter aucuns, comme celui, que dit Albumazar en ses Aphorismes: Que qui priera Dieu, la Lune & Iupiter cōiointz avecq' la queue du Dragon, au mylieu du ciel, il obtiendra de luy tout cequ'il requerra: Comme si Dieu luy mesmes estoit astraint aux astres, & gouverné par iceux. Et si ce est veritable, pourquoy ne se donnent iceux Astrologiens garde de telle heure & saison, pour en icelle faire prieres & obtenir tous leurs desirs? Les autres ont dit & affirmé pouuoir par icelle diuiner, voire ce qui gist en la pensée des hommes & puissances de l'ame, chose erronée contre toute raison, & experience: par ce que les astres estans corpo-

ciiiij relz

De Medecine, & des Mathematiques.

Soit opinion d'Albumazar.

DE LA VRAIE ASTRO.

Resueuse o-
pinio de Bo-
natus.

Autre folle
opinion d'A-
braham A-
nengear.

relz, il n'est possible qu'ilz puissent enten-
dre leurs forces & operations sur les espritz
& choses spirituelles. Bonatus autre authœur
d'Astrologie a passé plus outre, & n'a eu hon-
te d'escrire contre verité, & en blaphemant,
que nostre sauueur IESVS CHRIST
pour faire ses miracles auoit obserué & e-
fleu certaines saisons & heures, pource que
quelquesfois en respondant à ses Apostres,
qui le vouloient detourner d'aller en Hie-
rusalem, il leur fit responce, qu'au iour y
auoit douze heures. Combien qu'il ayt en-
tendu par là monstrier la mutabilité & chan-
gement de vouloir des hommes, & non
pas denoter aucune puissance d'heures plus
de l'une, que de l'autre. Et celuy qui auoit
créé les cieux & la terre par sa seule pa-
role, & partant non subiet à observer au-
cunes heures, dist ainsi: Je, à qui tous temps
& heures seruent & sont subietes. Abra-
ham Anengear dit en l'exposition de la tierce
mansion: Si Iupiter fort tient en la naissance
d'aucun icelle mansiō, l'enfant qui lors sera né
aymera Dieu, & sera de luy aymé. Et toutes-
foys le Sage a escrit en son Ecclesiaste, que l'hō
me

me ne sçait, si il est digne de l'amour, ou hayne de Dieu: mais que tout iusques à l'auenir demeure incertain, qui ne se peult cōpatir avecq' la doctrine susdite. Vne autre opiniō est entre eux, non moins sote & ridicule que la precedente. C'est, que entre les planetes ilz mettent deux fortunez Venus & Iupiter, affirmants, que Venus donne la felicité de la vie presente, & Iupiter celle de l'autre vie. Et pareillement est à moquer ce qu'a escrit Maternus, l'un des estimez d'entre eux, escriuant, que Saturne estant au signe de Leo lors de la natiuité fait les personnes nées de longue vie, les ames desquelz apres leur decedes monteront es cieux. Qui est du tout cōtre la parole de nostre Seigneur escrete en l'enāgi le saint Ian: Je luy dōne vie eternelle, parlāt de ses Apostres & disciples tenāz ses doctrines. Encores puis-je dire d'auantage, que les malins espritx tresexpertx en la congnoissance des vertutz & puissances des choses naturelles, se sont aussi quelqueffoys voulu ayder de ceste science en respondant aux payens & infideles du temps passé des choses à auenir: Car Apollo quelqueffoys estāt interrogué quel en-

*Autre frimo
le opinion de
Maternus.*

*Note des ma
lins espritx.*

fant

DE LA VRAIE ASTRO.

Sentence de
Haly.

fant portoit vne certaine femme enceinte, respōdit, que ce seroit vn masle, par ce que lors de la cōception, la Lune auoit son regard & tendoit à Venus. Haly tresrenōmé entre eux escrit, qu'il est mal aysé de pouoir tirer & prononcer aucune chose de certain des astres, si la personne n'a quelque interieur sentemēt & esmouuement à diuination & choses futures, autrement ne peult le pronostiqueur estre veridique. Ce qui n'est, à vray parler, autre cas, que quelque diabolique inspiration, estāt au cueur & pēsée de ceux, qui veulent predire, & asseurer tout ce qui doit auenir, pour abuser tousiours les hommes, & partant toutes telles observations des natiuitez des personnes, selon les astres lors aparoissants, sont certainement choses cōtraires à nostre foy, & lesquelles ne doiuent nō plus estre sceuēs & cogneuēs entre Chrestiens, que si iamais elles n'auoient esté escrites.

De l'vtilité & louange d'Astrologie:
 de predestination, prescience,
 prouidence, & de Fato, & de
 l'exposition du passage,
 Constituisti ter-
 minos, &c.

Chapitre VI.



*N*l ne fait doute, que l'Astro-
 logie naturelle vraye, & telle,
 que par nous dessus a esté som-
 mairement demonstrée, ne soit
 non seulement vtile & profi-
 table à tous ceux, qui desirent auoir parfaite
 cognoissance de la Philosophie naturelle, de la-
 quelle elle fait part, comme demonstrent les li-
 ures d'Aristote, du Ciel & du monde, ioint a-
 uecq' ses liures des choses phisiques, ou natu-
 relles: mais aussi necessaire, cōme estāt & fai-
 sant l'un des sept ars liberaux, sans lequel nul
 ne se peult nommer sçauant, & ayant entiere
 cognoissance de la Philosophie. Vray est, que
 sa fin viēt à distinguer seulemēt les parties du
 Ciel, & cognoistre par les signes & astres,
 que

DE LA VRAIE ASTRO.

Opini^{on} de S.
Antonin de
la vraye A-
strologie.

que Dieu, des le commencement du monde, crea les temps & saisons de l'année, & pareillement les ans, moys, & iours, & encores les signes de tempeste, beau temps, froidure, chaleur, & pareilz accidens. Car (selon que recite saint Antonin de la consideration, & regard des corps celestes) l'ô peult cognoistre les oeuvres naturelles, qui peuvent auenir par les dispositions des estoiles, & astres, cōme les eclipses du Soleil & de la Lune, secheresses, ou pluyes, quand les astres ou estoiles se monstrent dessus nous, ou sont soustraites de nostre veüe, & dit d'auantage ledit antheur, que les influences des corps celestes, peuvent bien aucunement disposer les corps des personnes, & par consequent aussi les puissances sensitiues, qui sont atachées & adherantes aux organes & instrumēts du corps: mais les vertuz sensitiues, quand les passions auiennent obeïssent à icelles: touteffoys ne contraignent aucunement la raison. Et par ce que les puissances sensitiues sont nées pour obeir aux commandemēs de la raison, l'hōme demeure entieremēt en son franc & liberal arbitre, pour faire, & agir, ou non faire ce, en quoy la sensualité

té prouenant de l'influence des astres encline
 & prouoque. Et partant que les mouuemens,
 passiōs, ou perturbatiōs de l'esprit, comme ire
 ou courroux, despit & vouloir qu'on a de se
 vëger & de dominer, tristesse, crainte, & au-
 tres semblables, sont naturellement disposées
 à estre regies & domptées par la raison, qui
 est en nostre corps, & naturellement, selon les
 ditz d'Aristote, & autres anciens Philoso-
 phes, doit estre sur toutes affections comme la
 Royne & maistresse, tenant en main la bride,
 pour icelle ou lascher, ou retirer aux apetitz
 sensuelz à son plaisir. A ceste cause demoure
 tousiours, nonobstant les inclinations des ape-
 titz sensuelz l'homme frāc & en sa pleine li-
 berté de faire, ou nō ce qu'il luy semble. Saint
 Augustin, au cīqiesme liure de la cité de Dieu
 chapitre sixiesme, escrit, qu'il n'y a pas grand
 inconueniēt de dire, que les vertutz des puissan-
 ces des cieux & astres peuuent quelque chose
 operer pour les diuersitez des corps & dife-
 rences des passions & afectiōs d'iceux: mais
 non que par ce les voluntēz des hommes soyēt
 asseruies ou assubieties à icelles, & est la rai-
 son tres bonne, d'autant que les raisons & vo-
 luntēz

Raison ser-
 de bride à
 l'homme.

Franc arbi-
 tre non sub-
 iet aux a-
 stres.

DE LA VRAIE ASTRO.

luntéz libres de l'homme, procedants de son franc arbitre, ne sont annexées ne fondées sur parties corporelles, ou sensibles: mais hors de corps. Et partant ne peuuent aucunes choses corporelles, comme sont les cieux & astres auoir autorité aucune sur eux, nō pas (pour gros semēt parler) qu'auécq' la main l'ō ne sçauroit toucher à la volonté ou pensée d'une personne. Et d'auātage, comme seroit il possible que les astres eussent puissance sur les operations procedantes du franc arbitre, atendu que les effaitz des astres naturelz ne peuuent tendre, que en certaine fin & contrainte comme tous autres effaitz de nature? Et touteffoys la verité est, que les ocuures dependent du liberal arbitre, sont diferentes, & peuuent indifferēment auenir, & non auenir, sans que lon puisse dire que en ce n'y ayt neceßité aucune: mais pourtant que i'entends plus abondammēt mōstrer que les cieux & corps celestes par leurs influēces n'ont sur nous autre pouuoir, que ce que dit est, me semble, que ie doy, premier que passer oultre, prouuer par aucunes autoritez, irefragables en l'hōme estre liberal arbitre, en apres cōme le deuons entendre, à fin de dō-

ner

ner ocaſion à toutes gēs ainſi auenglez de ſoy
deporter de telle ſi pauuement fondée perſua-
ſion, lequel liberal arbitre (ſi faulſe n'eſtoit)
ne ſeroit en luy.

Pour ce faire commenceray par l'authori- De liberal
arbitre.
tè de l'Eccleſiaſtique, qui dit cap. 18: Deus ab
initio cōſtituit hominem & reliquit eum
in manus conſilii ſui, & vn peu apres: Ap-
poſuit tibi aquam & ignem, ad quod vo-
lueris porrige manum tuam. Et Deutero.
30. Cōſidera quid hodie propoſuerim in
conſpectu tuo, vitam & bonum: & econ-
uerſo mortem & malum. Et Ieremiæ 20.
Ecce, ego do coram vobis viam vitæ, &
viam mortis. D'autres authoritez m'en de-
porteray, pour inuiter prolixité, veu que par
les ſuſditz vn chacun (ſ'il n'eſt plus qu'incré-
dule) a matiere de croire, qu'en l'homme ya li-
beral arbitre, combien que nul (pour l'intelligē
ce d'iceluy) ſe peult, cōme atēſtent tous vrays
Theologiēns purger des vices & oeuvres, ſe-
lō la verité, ſans la diuine grace. Et pource dit
ſalomon. Eſto confidens in domino in to-
to corde tuo. In tua autē ſapientia, ne ex-
altaris.

DE LA VRAIE ASTRO.

altaris. In omnibus viis tuis cognosce eū,
 vt rectas faciat vias tuas. *Adoncques, com-*
me dit S. Hierosme au tiers liure contre les Pe-
lagiens, nous ne nous deuōs point confier en no-
stre sapience, ne en aucune autre nostre vertu:
mais adresser noz pas en l'ayde de Dieu tant
seulement. Et pource il est escrit. Recta fac in
conspectu tuo viam meam. & Salomon:
Deuolue super dominum opera tua, & fir-
mabuntur cogitationes tuæ. Et saint Paul:
Fiduciam autem talem habemus per Chri-
stum ad Deū, non quo'd sufficiētes simus
cogitare aliquid ex nobis, quasi ex nobis:
sed sufficiētia nostra ex deo est. Et ailleurs:
Qui gloriatur, in domino gloriatur: Non
enim qui seipsum commendat ille proba-
tus est, sed quē Deus commendat: & Da-
uid: Gressus meos dirige secundum elo-
quium tunm. Et certes sans doute aucune
(comme dit Primasius en exposant le neufies-
me chapitre aux Romains) Nostre course
est inutile, si noz pas ne sont adressez du Sei-
gneur. Ainsi que le Cheual peult courir: mais
s'il n'a vn gouuerneur s'en va bride auallée &
par mons & vaulx, sans tenir le droit chemin:
pareil-

Nostre lib.
 arbitre sans
 Dieu est vn
 cheual sons
 bride & sās
 gouuerneur.

pareillement est il de nous, sans Dieu, & sa grace, Et ne fault pour ce inferer ce que aucuns concluent: Si nous ne pouons par nous mesmes, adoncques n'est en nous liberal arbitre: pour ce que certainement est liberal arbitre, & cōme dit saint Thomas d'Aquin: L'hōme est seigneur d'une chacune sienne operation, & de vouloir, ou de ne vouloir, par deliberation de la raison qui est en luy, laquelle se peult tourner en l'une & en l'autre part. Mais combien qu'il soit seigneur de deliberer, ou de non deliberer ainsi, ou ainsi, neātmoins il est de besoing que cecy soit par deliberation precedante, & à fin qu'on n'y procede par infiny, il est necessaire venir finablement à cecy, que nostre liberal arbitre soit meu de quelque exterieure principe, qui soit par dessus la volonté ou pensée humaine, qu'est Dieu. Et pour ce Aristote ou liure de bonne fortune a ferme, que la pēsée ou volonté de l'homme n'a la domination de ses œuvres en forme & maniere, que ne luy soit necessaire estre mené de Dieu. Et le maistre de Sentences dit, que la grace de Dieu preuenāte prepare nostre volonté. Non qu'elle soit volūté, pource que cecy estoit premier que vint la

d

grace

DE LA V A R Y E A S T R O .

Diuine gra-
ce avecq' li.
arbitre.

Trois graces
de Dieu.

grace: mais qu'elle soit bonne & droite volū-
té. Et pource ne s'ensuit qu'il ne soit liberal ar-
bitre: mais pluſtoſt que la diuine grace ſoit cō-
iointe en nous avecques liberal arbitre. Et tel-
le grace non ſeulement a eſté infuſe en l'hom-
me du commencement en general, mais enco-
res eſt preſte à luy ſubuenir es ſingulieres &
particulieres operations. Et par ce eſcrit Da-
uid: Nifi dominus edificauerit domum, in
vanum laborauerunt qui edificant eam.
Et niſi dominus cuſtodierit ciuitatem, fru-
ſtra vigilat qui cuſtodit eam. Et faut noter,
que de Dieu viennent trois graces. La premie-
re illumine la raiſon & icelle fait habile à for-
mer la vertu, qui n'eſt autre que adreſſer la vo-
lunté qu'elle trouue en nous du liberal arbitre,
à vouloir droitement le bien: & ceſte icy eſt
dite preuenante. La ſecōde eſt grace illuminā-
te, qui nous ilumine & ayde en ſorte, que ſça-
uons ce que de nous faire, pour laquelle choſe,
dit ſaint Auguſtin, que la premiere grace fait,
que nous voulōs, la ſeconde fait, que nous pou-
ons: & pource noſtre vouloir n'eſt fruſtratoi-
re. Et de ces deux graces chaſcū iour requiert
l'Egliſe en ſes prieres, diſant: Seigneur Dieu,

nous

nous te suppliõs preuenir par ta grace & aspira-
 tiõs noz oeuvres, à fin que toute nostre oraison
 & operatiõ cõmence par toy, & par toy cõ-
 mēcée soit paracheuée. La tierce est grace par
 acheuant, ou bien cõsommant: c'est à sçauoir
 qui acõplit tout nostre vouloir, pour ce qu'elle
 nous ayde à cõtēpler & cognoistre nostre biē
 supreme. Ne me semble bon en cest endroit de
 delaisser ce, que des graces escriuēt les Poētes,
 pour ce qu'assez facilemēt, qui a entendemēt,
 cognoist, que non grandement se desuoyent ou
 discordent, de ce que dessus auõs recueilly des
 vrays Theologiens. Hesiodé doncques en sa
 Theogonie escrit, que les graces sont trois: &
 ainsi ne discorde du nōbre, & sōt filles de Iupi-
 ter, qui ne signifie autre chose, sinõ que de Dieu
 seul procede chacune grace. Et pource dit S.
 Paul: Gratia Dei id sum, quod sum. Et S.
 Iaques: Omne datū optimū, & omne do-
 num perfectum, de sursum est, descen-
 dens à patre luminum. Et les engēdra Iu-
 piter de Eurynō en Grec, qui signifie large pa-
 sture: pour ce que nulle est plus habondāte pa-
 sture à l'esprit, que la diuine grace. Et pour ce
 dit Dauid: Memoria fecit mirabilium suo

DE LA VRAIE ASTRO.

rum misericors & miserator dominus, ef-
 cam dedit timentibus se. Desquelles graces
 les nōs sont Aglaé, Euphrosyné, Thalia. A-
 glaös en Græc signifie resplēdissant & certes
 seulement la diuine grace faict l'hōme resplē-
 dissant pource qu'elle l'ilumine: Euphrosinē
 signifie ioye, pour ce qu'elle seulement le fait
 ioyeux. Thalia signifie florissāte, & verdoyāte
 pour ce qu'elle fait fleurir & reuerdir en nō-
 chacune vertu, y aioustāt ce que les deux der-
 nières regardēt la premiere, pour ce que de la
 splēdeur d'elle pend & procede que l'ame hu-
 maine demeure ioyeuse & reuerdissante. A-
 doncques ne doutera l'homme se mettre en la
 voye de contemplation, ayāt ia disposé le sens
 obeir à raison, & ayant pour guide l'entende-
 ment non seulement illustré de toutes doctri-
 nes humaines, mais encores iceluy nobilites
 par les troys diuines graces, en la narratiō des-
 quelles, si i'ay esté trop long, ce fault imputer
 à la difficulté de la matiere & à l'vtilité de
 la cognoistre: pource que bien entendu ce pas-
 sage plusieurs autres choses par iceluy sont fai-
 tes manifestes. Comme dit Christofle Lādin,
 par la raison & authorité duquel, & autres
 auteurs

auteurs susditz, ie croy que nul est si fol (tout bien considéré) qui ne cognoisse le franc arbitre qui est en l'homme & cōme selon les vrayz Theologiens nous le deuons entendre & croire, de la sentēce desquelz icy, ne ailleurs, n'entens aucunement me distraire: ains du tout me souzmettre à leur correction & iugement.

Puis dōcques que par vīnes raisons & au De la predestination.
toritez il apert que en l'homme y a liberal arbitre, me semble que ce lieu requiert que ie traite de predestination, chose grandement ardue à escrire, en sorte que l'on ne tollisse le liberal arbitre, tesmoing iceluy Landin, si ce n'est par homme biē docte, lequel par autorité de S. Augustin & d'autres grands personnages en a le plus succintemēt & plus fidelemēt traité que nul autre, aumoins de ceux dont ay peu auoir cognoissāce, que pource i'imiteray, sans le frauder de sō deu, ne autres auteurs. Car c'est chose benigne & pleine d'une vergongne fraîche & libere de confesser par qui on a profité, cōme prudemment dit Plinē & apres luy Ian Canape, non pas comme auourd'huy plusieurs font, lesquelz transcriuent les auteurs de

Cōfesser & louer ceux de qui on profite.

d iij mot

DE LAVRAIE ASTRO.

mot à mot, sans les nommer, ce qu'il ne voudroyent que l'on fist d'eux. Ce que ne faisoient Ciceron Galien, & autres gens de bien & de grand scauoir: Car il appartient (comme aussi dit iceluy Canape) à vn lasche courage & à vn engin remply d'infelicité, aymer myeux d'estre surprins en larrecin, que de confesser le dete & rendre ce qu'il a prins d'autruy, De laquelle predestination ne se peult, comme aussi ateste iceluy Landin, commodement disputer, si ensemble n'y est notée la prescience, & reprobation, & finablement la volonté diuine. Et pour intelligence de ce, saint Augustin met quatre diffinitions en la predestination, desquelles la premiere est: Que predestination soit prescience des benefices de Dieu, la seconde, predestination d'aucuns à la gloire, la tierce est propos d'auoir misericorde, la quarte est preparation de grace au temps present, & de gloire au temps auenir. En la premiere definition est notée la congnoissance de Dieu: en la seconde, l'election: en la tierce, la volonté: en la quarte, la directiō à la fin. Met doncques saint Augustin, vocation, iustification, predestination, & manifestation, la vocation nous reti-

Quatre diffinitions selon S. Augustin, de predestination.

re de mal, la iustification regarde le bien, qui commence de la grace, la predestination regarde le bien final de la grace, la manifestation le bien de la gloire à venir. Ou bien dirons, que la predestidation prepare la gloire par grace, la vocation nous offre la grace, la iustification nous la donne: mais la manifestation par grace multiplie la gloire. La predestination n'inferé point neceſſité aux choses: Pour ce que si ainsi estoit, s'ensuyuroiēt plusieurs inconueniēs. Premieremēt, pour ce que peché ne seroit peché: Car si on pechoit ce seroit par l'ordonnāce de Dieu, qui seroit chose neceſſaire: ainsi Dieu n'auroit cause de punir les pecheurs. D'auantage le bien ne seroit bien. Itē Dieu n'auroit point de iustice: car elle seroit estainte & mise au neant, pour tant qu'il ne seroit Paradis, ne Enfer. Item ne faudroit auoir cure d'aucune chose tēporelle: car il ne faudroit point labourer les terres, ne faire aucun estat de marchandise, ne estudier, ne rien aprēdre. Et pour familier exemple à demonſtrer clairement, que predestination ne infere neceſſité aux choses, suposons qu'en aucun lieu ayt vn chemin, qui soit diuisé en troys chemins, par lequel che

Predestina-
tion. est sans
neceſſité des
choses futu-
res.

DE LA VRAIE ASTRO.

Belle compa
raison pour
entendre que
c'est predesti
nation.

min ayt à passer vn homme. Item suposons qu'il y ayt vn autre homme qui soit sur vne grande montaigne, lequel sçait & cognoist toutes choses à auenir, comme Dieu, lequel crie à haulte voix à l'homme, qui doit passer par le chemin de troys voyes, & dit: Je te defends, que tu ne passes point par la voye senestre: mais par la dextre, à tout le moins par la moyenne. Si celuy homme n'en tient conte: mais passe par la voye senestre, & tombe entre les mains de ses ennemys, qu'en peut l'homme qui estoit dessus la montaigne, lequel sçachant bien les choses à venir, defendoit qu'il ne passast point par la voye senestre, il est tout notoire qu'il est cause de son mal: Pource qu'il auoit liberal arbitre & franche volonté de passer par tel qu'il luy plaisoit: Et aussi quand on luy defendoit il n'y deuoit point passer, mais deuoit passer par la main dextre, ou par la moyenne. Semblablement, combien que Dieu voit les mauuais operations de l'homme, il n'en est point cause pour celà. Et pource apert que predestination ne porte aucune necessité des choses qui sont à auenir, & desquelles on a
liberal

liberal arbitre & franche volonté de le faire, ou non.

Font les Theologiens difference entre predestination & prescience, pour autāt que la predestination est cognition des biēs, & a en soy la cause d'iceux : mais la prescience preuoit les maux & n'est cause d'iceux. Et certes, si Dieu permet le liberal arbitre, il n'vse d'aucune iniustice s'il punist celuy, qui a erré, & qui se pouuoit garder de l'erreur, aussi s'il preuient par grace, à nul ne fait iniure. Adōcques quand il danne les mauuais, qui l'ont meritē, comme fut Iudas, obserue iustice, & quād il predestine aucun, comme il fit saint Paul, vse de grace & de grand' misericorde, laquelle ne exclut la iustice. La volonté doncques premiere de Dieu veult premierement qu'un chacun soit sauué, en tant qu'il est homme : mais la seconde volonté veult aucun homme danner, en tant qu'il est digne de l'estre : par ce que la volonté antecedante regarde l'ordre de la nature, selon qu'elle fut instituée de luy : mais la volonté subsequente, & qui vient apres l'erreur du pecheur, regarde l'ordre de la personne

DE LA VRAIE ASTRO.

Obiection. ne disposée au liberal arbitre. Mais aucun dira, dit Primasius: Pourquoy sauue il ainsi l'un & nō point l'autre? Pourquoy ne sauue il tous

Acception de personnes

egalement? Dieu est il favorable Iuge, ou acceptateur de personnes? Certes acception de personne peult bonnement estre nommée, quand celuy qui iuge, n'ayant egard au merite de la cause, iuge & ayde à l'un contre l'autre: combien qu'il ayt trouué en quelqu'un chose qui

Parrabole des deux deteurs.

soit digne d'honneur & de misericorde: mais si quelqu'un a deux deteurs, & à l'un il veult quiter son dete, & à l'autre le demander: il la donne à qui il luy plaist, sans faire tort à personne: & n'y a point d'acception de personne, quand ne se trouue aucune iniquité: autrement à ceux qui peu entendent les matieres, peult

Autre parrabole de la vigne & des vigneron.

sembler acception de personnes. Quand le maistre de la vigne donna aux manouuriers qui n'auoient besongné pour luy, qu'une heure, autant qu'à ceux qui auoyent enduré le faix & la chaleur du iour, les faisant egaux en loyer, cōbien qu'il y eust grāde diference de la peine & trauail, & qu'iceux manouuriers murmuroient contre luy, qu'a respondu le maistre à la murmuration qu'ilz faisoient de ceste accep-

tion

tion de personnes? Mon amy, ie ne te fais point de tord, & ce qui s'ensuyt. Et certes en ce consiste toute la iustice, ie veux que celà te soit rendu, à cestuy i'ay tant donné, ie ne t'ay rien osté, ne diminué, ou nyé de ce que ie te deuois. Ne m'est il permis, de faire du mien ce que ie veux? Aussi doncques il n'y a en cest endroit aucune acception de personne: Par ce que l'un est par ce moyen honoré de sorte, que l'autre n'est point fraudé de son deu. Pareillement, quand selon la volüté de Dieu, l'un est apellé, l'autre non, à celuy qui est apellé est donné vn bien gratuit, duquel est la vocation commencement, & à celuy qui n'est apellé, est rendu son mal deu & desseruy. Car tous sont coupables par vn, par lequel le peché est entré au monde. Igitur non volentis, neque currentis, comme dit saint Paul, sed misereñtis est Dei. Ainsi doncques n'est le bien ne de l'homme ce voulant, ne par l'operatiõ exterieure du courant: mais de Dieu, qui de luy a misericorde: & l'autre le laisse endurcir en sa malice. Auquel passage de l'Apostre dit la glose de saint Augustin, que l'on trouue assez cause de l'obstinatiõ des hommes: mais de la misericorde

de

DE LA VRAIE ASTRO.

de n'en est point rendue aucune cause, ne merite: Car Dieu par sa grace, sans desserte, donne aux hommes ses recompenses & loyers. Le merite & cause d'obduriō est peché seulemēt. Et n'est point à dire, que Dieu endurest les obstinez en leur baillant malice: mais en les destituant & priuant de sa grace, de laquelle ilz ne sont point dignes, en tant qu'ilz ne veulent flechir leurs colz & affections au commandement diuin. Et pour ce n'est escrit sans cause au decret de Gracien en la quatreiesme question de la vingttroisiesme cause, que par equité & iustice à nous tresoculte & incogneuē, Dieu a iceux ne confere point sa grace. Parquoy iustement crie l'Apostre en l'vnzeiesme chapitre de l'epistre aux Romains: O' profondeur des richesses de la sagesse & cognoissāce de Dieu! Que ses iugemens sont incomprehensibles, & ses voyes impossibles à trouuer! Car qui est ce qui a cogneu l'intention du Seigneur, ou qui a esté son conseiller? Ou qui est celuy, qui premier luy a donné, & il luy sera rendu? Car de luy, & par luy, & en luy sont toutes choses. A luy doncq' soit gloire eternellement. En outre les choses susdites, si predestination inferoit ne
ce si

cefité aux choses, enſuyuroit qu'il ne faudroit
 prendre Medecines, puis que tout ſeroit ordon-
 né & deſtiné quand l'on deuroit mourir. Com-
 me aucuns s'efforcent monſtrer l'vſage d'icelle
 Me decine de nul efficace, diſans, que Dieu a
 ordonné à vn chacun certain terme de viure,
 lequel par aucune raiſon humaine ny artifice,
 ne peult eſtre prolongé. Pour la ſolution de ce
 ſte queſtion miſe en propres termes, par Ian
 Quintier, en vn ſien traité du regime de viure
 & prendre Medecines, dirons, en enſuyuant
 partie de ſon dire, que l'on peult entendre par
 la ſainte eſcriture, qu'il y a deux termes de vi-
 ure, dont l'un eſt naturel, qui eſt entendu iuſ-
 ques à la derniere fin, lequel communément eſt
 acomply en ſix vingtz ans, ou enuiron, qui ne
 peult eſtre prolôgé par ſcience & art de Me-
 decine: mais bien par l'ordonnâce diuine: Com-
 me pouuons voir du Roy Ezechias, dont parle-
 rons cy apres. L'autre terme de viure eſt acci-
 dental, qui tât par cas fortuitz, qui nous ſont
 incogneuz (& par ce moyen n'eſt en nous de
 nous en pouuoir garder) que par noſtre erreur
 & vice auance la mort, auant que venir à la
 fin ordonnée par nature. Quant au naturel, qui
 auient

Deux ter-
mes de vie.

Fin de vie
naturelle.

DE LA VRAIE ASTRO.

auient quand la chaleur naturelle qui est l'instrument de toutes les vertuz du corps est cōsumée par diuerses operations naturelles, dont s'en ensuyt vne necessité de mourir ineuitable, qui est le terme de vie, ordonné de Dieu à vn chacun, lequel nul ne peult eiter, & vient à l'vn plustost, à l'autre plus tard, tout ainsi qu'il a pleu à ce grand fabricant, de temperer au commencement leurs corps, dont la cōgnissance d'iceluy terme, & de l'autre (dont cy apres sera parlé) est hors le pouuoir de l'homme, par le tesmoignage de Dieu, qui en nous ammonnestant dit: Estote parati: quia nescitis diem, neque horam. Sentēce bien repugnante au dire d'un tas de resueurs, qui se iactent sçauoir la fin des autres, & ne peuuent sçauoir la leur. Mais ce cours naturel de vie souuēt est interrompu par nostre vice: c'est à sçauoir, quand nous ofensons Dieu grieuement, tant par autres pechez communs, que par nostre inhumaine, & corrompue maniere de viure: Et pour l'ignorance & contennement des choses, qu'il a en la terre créées pour le salut de l'homme. Ainsi par le contraire quand nous reçoignons nostre erreur, & que nous demandōs
de

de bõ cueur & de toute nostre pensée pardon
à Dieu, nous paraisons le cours de vie, qui
nous est donné au commencement, ou bien nous
obtenons le prolongement d'iceluy: Car nous
lisons en la sacrée histoire au vieil testament,
que Dieu souuentes fois a pugný les pechez de
son peuple par grieues maladies & autres mi
seres: Et par le cõtraire, que aucuns qui se sont
retournez vers luy, leur a prolonge la vie, qui
estoit autrement pres de la fin. Dequoy peult
porter bon tesmoignage, ledit Roy Ezechias,

Ezechias.

qui impetra de Dieu quinze ans pour viure.
D'auantage ne peult iceluy cours naturel de
viẽ estre prolongé par science, & art de Me
decine, comme auons dit dessus: mais par la seu
le misericorde de Dieu, lequel nous voyant hu
miliez de cueur, & requerans pardon, reuoque
sa sentẽce: Mais pour ce que ce terme qui nous
abrege la vie, nous empeschant par ce moyen
d'aller iusques à celuy terme institué de Dieu
est accidental, c'est chose vtile & necessaire à
l'homme de soy contregarder, tant par ayde
de science & art de Medecine, qu'autrement.
Parquoy Auicene Prince des Medecins A
rabes, au chapitre des causes de la santé dit,
que

Terme de
vie acciden
tal.

DE LA VRAIE ASTRO.

L'art de Me-
decine.

que l'art de Medecine, si nous en vsons, fait en nous deux choses: l'une qu'elle garde que putrefactiō d'humours n'est point faite en nostre corps, l'autre qu'elle defend que l'humour radicale, qui est en nous n'est soudain resoluë. Ce que auient par le bon regime, que l'homme tiët de reparer ce qui se resoult de ceste humidité radicale, & par ainsi le corps est mené iusques au terme de sa premiere complexion. Mais pourtant il ne s'ensuyt pas, que si par nostre default Dieu veult abreger nostre terme naturel de viure, qu'il puisse estre prolōgé par aucune Medecine, ne regime de viure, selon le corps. Et par les choses dessusdites, outre l'experience, apert l'usage de Medecine estre vtile & necessaire, comme d'auantage nous est mōstré par l'Eclesiastique, disant: Altissimus creauit de terra Medicinā, & vir sapiēs nō abhorrebit eam. Et vn peu apres: Da locum Medico: Etenim illum dominus creauit, & non discedat à te, quia opera eius sunt necessaria. Ce qui seroit faux, si le dire de telles gens estoit veritable, qui ne peult estre.

Ce que toutes fois ne repugne à l'autorité dessus-

*susdite, contenue en Iob au quartozeiesme cha-
 pitre, par ces paroles: Constituisti terminos* *Constituisti*
eius, qui preteriri non potuerunt: Mais di- *terminos ei-*
ra quelqu'un (dit iceluy Quintier) on voit plu- *us, qui c'e.*
sieurs gens de bien au temps present estre plu-
stost de mort surprins, que ceux qui ont vescu
mal. L'on respond, qu'aussi l'ire de Dieu est co-
gneue en ce monde, quand il oste au peuple leurs
bons Princes, leurs gouverneurs, & ceux qui
sont de vertuz, l'exemplaire en punissant cer-
tes l'ingratitude d'iceluy peuple. Ceste opiniõ
(cõme recitoit Lactãce & citée par Anthoine
de Rieux) a fait choir beaucoup de gens en er-
reur, principalement les Epicuriens, lesquelz *Epicuriens.*
voyans que les bons, & ceux qui viuoient iu-
stement estoient afligez, en ce monde & leur
vie abregée, & que les mauuais venoiẽt à pro-
sperer en biens & viure longuement, ilz di-
soient, qu'il n'y auoit point de prouidence, ne
de iustice diuine en ce monde, auxquelz saint
Augustin, en vn liure qu'il a fait, de corre-
ctione & gratia, vient à respondre ample-
ment. Finablement l'amour de Dieu n'est ia-
mais bien certainemẽt cogneu par les biens ex-
terieurs: Et pour ce que les Turcz tiennent ce-
e ste

DE LA VRAIE ASTRO.

Note de la
hardiesse
des Turcz
en bataille.

Des Beduins

ste opinion, qu'il est prefix à vn chacun quand
& en quelle sorte il doit mourir, iamais ne re-
culent en bataille, pour danger quelconque tât-
euident soit il, qui peult estre l'une des cau-
ses, dont souuent ilz sont victorieux. De telle
opiniõ sont aussi les Beduins, qui font bien plus
que les Turcz: Car en bataille pour toutes ar-
mures ne portent iamais qu'un glaive fait à la
mode de Turquie, disans, que nul ne peult mou-
rir qu'un certain iour qui luy est ordonné. A
ceste cause ilz ont vne façon entr'eux, que
quand ilz veulent maudire leurs enfans, ilz
leurs disent en ceste maniere: Tu soys maudit,
comme celuy qui s'arme de paour de mort. Et
pour tant qu'aucuns heretiques appellez Prisci-
lianistes, & autres, dont sera parlé cy apres,
disent, que tout homme est né & produit souz
la constellation des estoiles, & gouverné par
leurs influences, lesquelles ilz appellēt Fatum
en Latin: & dient en outre, que selon l'ordon-
nance & influence d'icelle, l'homme est con-
traint de faire bien, ou mal.

De Fato.

Pour icelle opinion plus clairement reprou-
uer, diray outre ce que i'en ay dit cy dessus:

&

& mesmement au chapitre intitulé, de faulſe
 Astrologie, que Fatum n'est ce que telz here-
 tiques disent. Fatum dōcques, comme dit Chri-
 stofle Landin, est de diuers Philosophes diuer-
 ſement mis: mais pource que les Chrestiens, cō-
 me ateste saint Augustin, ont trouue Platō en-
 tre tous Philosophes s'aprocher plus à la veri-
 té des choses diuines, que les autres, diray ſe-
 lon Platon, qu'est ce que Fatum. Mais con-
 uient entendre premierement, que diuerſes fu-
 rent les opinions des Philosophes, si Dieu pre-
 uoyoit aux choses, ou non: car Leucipe, Demo-
 crite, Prothagoras, Theodore, Aristipe, & E-
 picure, veulent que chacune chose soit faite
 à l'auanture, sans aucun gouuernement. Au-
 cuns croient que Dieu gouuerne chacune cho-
 se estant au dessus du ciel de la Lune, & non
 celles qui sont au dessous. Aucuns diēt, qu'il
 gouuerne encores celles qui sont au dessous;
 mais seulement les grandes. Platon, Prince
 de tous les Philosophes veult, que la diuine
 prouidence s'estende par toutes choses, gran-
 des & petites, & que par elle soient toutes
 gouuernées. A laquelle sentence s'acordent
 Empedocle, Heraclite, Pythagoras, & les

DE LA VRAIE ASTRO.

Sapience di
nine. Stoïques . Veult doncques Platon que la sa-
pience de Dieu, cognoissant son essence &
puissance & par icelle chacune chose, qui
d'elle depend, soudain ayme & desire l'ordre
des choses, lequel la sapience iuge estre par-
fait & le décrit en soy, & constitue en ma-
niere, que ne peult estre autrement . Adonc-
ques ceste constitution, ordre, & loy des cho-
ses, qui ont à estre necessairement (& neant-
moins n'empeschans le liberal arbitre) est apel-
lée prouidence . Ce mesme ordre considéré es
choses est appellé Fatum, qui est la loy diuine,
par laquelle s'acomplissent les ineuitables co-
gitations de Dieu. Et pour tant saint Augu-
stin ne contend, & ne s'oppose à ceux, qui apel-
lent Fatum la connexion & continue ordre
de toutes les causes, par lequel se fait ce qui
se fait : mais ne veult vser du mot de Fatum
pour ce que ce nom des anciens se tire en diuer-
ses significations, qui pourroient deceuoir les
hommes . De l'opinion de Platon est Boëce,
ou quart de consolation, prose sixiesme, disant
Prouidence. la diuine prouidence estre vne supreme rai-
son en Dieu constituée, laquelle raison or-
donne & dispose toutes choses, & que Fa-
tum

tum est vne certaine disposition , ou ordre
 es choses mobiles & temporelles , par le-
 quel ordre la prouidence lie & compose tou-
 tes choses , combien qu'elles soient infinies
 (quant à nous) & que les choses qu'icelle
 diuine prouidence embrace & cognoist au
 dedans la diuine volonté, le Fatum les dis-
 pose en forme qu'elles procedent par ordre
 de temps en temps, de lieux en lieux, & de
 formes en formes . Adoncques la prouiden-
 ce est certaine forme des choses futures par
 ordre en diuers siecles , laquelle est immo-
 bile & simple : Et Fatum est certaine liaison Fatum.
 & connexion mobile & ordre temporel , des
 choses que la diuine simplicité dispose qu'el-
 les ayent à estre . Parquoy s'ensuyt , que ce
 qui est souz le Fatum, soit encores souz la
 prouidence, de laquelle il depend, comme on
 peut cognoistre par vne similitude baillée
 par le mesme authour, qui est, que tout ainsi
 que l'Architecte est des choses qu'il veult edi-
 fier maistre, & cognoissant la forme de les or-
 donner & faire, & que les choses par luy à
 edifier sont subietes à sa raison & ordre: ainsi
 est il necessaire, que toutes choses qui sont à

DE LAVRAYE ASTRO.

Thalmudi-
stes.

faire & à venir sont subietes à l'ordre & providence diuine: Mais pour tant n'oste, n'em pesche la providence, ou Fatum le liberal arbitre, comme dit est. Ce que subtilement & clairement monstre saint Thomas d'Aquin, contre les Gentilz: par tant par les raisons, & authoritez susdites apert, que Fatum qu'en François, on dit Destinée, n'est ce que disent lesditz Priscilianistes, de l'opinion desquelz ont esté selon l'auteur du liure intitulé Fortalitium fidei. Les Thalmudistes, lesquelz (ainsi qu'il dit) tiennent en leur liure intitulé Talmud, que si Saul eust esté né au signe de Dauid, qu'il fust tombé deuant luy. Dit outre, qu'au chapitre, qui commence: Sedeo dudit liure, est fait mention, qu'un nommé Rabialazar Vêpeda disoit, quod stringilatur ei fortiter mundus, voulant dire, qu'il auoit grande pauureté: & pour en estre releué faisoit oraison à Dieu, & que Dieu luy respondit: Veux tu, que pour ton amour ie destruisse le monde? & qu'une autre fois ie le crée? Et parauanture tu seras au signe, ouquel tu seras fait riche. O folie inestimable! Comme si Dieu seul créateur de toutes

tes

tes choses, & qui souz sa main regist & gouuerne tout, n'auoit la puissance d'oster la pauureté d'un homme, posé ores que les estoiles luy seroient contraires par luy au profit & vtilité de l'homme seulement créées. De telz heretiques l'erreur est condenné & euidentement improuué, outre ce qu'en ay fait aparoir dessus, par quatre raisons de saint Augustin au premier chapitre du cinquiesme de la cité de Dieu, deduites par Brochard iadis Patriarche de Constantinople, dont la premiere est prinse sur la loy commune: Car, selon Ciceron, ou liure de la nature des dieux: Toute loy & secte des Philosophes met & tient, qu'il y a vn Dieu, lequel es affaires & necessitez des hommes doit estre inuocé, & par sacrifices honoré. Parquoy, si les estoiles auoient telle puissance sur l'homme, il faudroit de necessité conceder, qu'il ne seroit point besoing d'appeller ne prier Dieu es tribulations & auersitez humaines, pour obtenir allegement, si tout estoit regy par necessité ineuitable. Secondement ceste opinion est offensue & iniurieuse, & specialement au ciel: Car c'est grand' diffame

e iij ma-

DE LA VRAIE ASTRO.

Le Ciel.

mation de dire, qu'en aucune cité y ayt citoyens & gouverneurs, lesquels concluent & determinent, que l'on doit faire & commetre larrecins, homicides, & semblables vices dignes de mort. Pour ceste cause dit saint Augustin, que le ciel est vne court, ou vne cité, dont les citoyens sont les estoilles, lesquelles, s'ainsi est qu'elles necessitent la volonté de l'homme à faire vice, c'est au ciel iniure & tresgrand vitupere. Tiercement n'est ceste opinion contumelieuse contre le diuin iugement: Car, comme dit icy luy saint Augustin, quel iugement de condemnation pourroit estre fait des hommes, lesquels ont esté par les corps celestes necessitez à pecher? Comme s'il vouloit dire, que nul: Et pour ce luy mesmes en la vingt quatreiesme question dit: Que Dieu iamais ne condamneroit l'homme, s'il ne trouuoit qu'il eust peché de son franc arbitre, sans contrainte aucune. Quartement, & finalement ceste opinion est repugnante à l'experience, & à ce dont l'on vse tous les iours: Car nous voyons que deux enfans gemeaux, nez d'une mesme ventrée, & con-

ceux

ceux souz vn mesme signe, & constella- Belle raison
tion, sont tellement en infinies choses dissem- pour mon-
blables, & diuers entre eux, que sans com- strer, que le
paraïson ilz sont plus semblables à ceux qui ciel ne nous
sont nez & conceuz souz diuerses con- contraint à
stellations, que entre eux: & est ceste rai- mal, ny à
son (côme dit S. Augustin) tresforte pour impu- bien.
guer l'opiniõ erronée des dessusditz. Et bail
le vn exemple ou quart chapitre de ces deux
ensans gêmeaux, desquelz le dernier tenoit
la plante du pied du dernier en saillant hors
du ventre de leur mere, entre lesquelz y a
eu si grande diuersité en meurs, & con- Note de Iac-
ditions, & disparitez en faitz, & en amour cob & de
de pere & de mere, qu'il estoïent tousiours Esai.
ennemys entre eux. Parquoy est dit, que quand
l'un cheminoit, l'autre se asseoit: quand l'un
dormoit, l'autre veilloit: quand l'un parloit,
l'autre se taisoit. Aussi l'un fut tousiours
seruiteur mercenaire, & l'autre ne seruit ia-
mais, l'un estoit bien aymé du pere, & l'autre
de la mere, l'un qui fut Esai, perdit l'honneur
d'aynée, qui luy estoit deu, & l'autre qui
fut Iacob, l'aquist. D'auantage est aussi repro-
uée ceste heresie par saint Ian Chrisostome,
qui

DE LA VRAIE ASTRO.

Trois sortes
de blapheme
contre Dieu.

qui dit, qu'elle fait trois manieres de blaphemes contre Dieu. Le premier est, qu'il s'ensuyuroit, que Dieu est, & a esté mauuais en creät les estoiles. Par quoy sur les euangiles saint Mathieu dit en ceste maniere: Si aucun, par le moyen des estoiles fait homicide, ou adultere, grande iniquité & iniustice doit estre pour ce attribuée aux estoiles: Mais encores plus a iceluy qui les a créées: car puy que Dieu est cognoissant, & non point ignorant des choses futures, & qu'il cognoissoit que telle iniquité deuoit proceder d'icelles, & n'a point voulu les amender, il n'est pas bon: s'il l'a voulu, & n'a peu, il est impotent, & non pas tout puissant. La seconde, que Dieu seroit cruel de faire souffrir peines pour les delitz, que les humains pourroient commettre par la contrainte d'icelles estoiles. Et pourquoy (dit iceluy Chrysostome) endure-ie peine pour la chose que i'ay commise, non pas par uolunté: mais par nécessité? La tierce est que Dieu ne seroit pas sage en ses commandemens. Car qui est celuy qui commande à aucun & defende de ne point faire le mal, qu'il ne peult par crainte eiter? aussi d'accomplir le bien, auquel on ne peult paruenir?

nir? Il n'y a homme au monde qui fust reputé sage en faisant telz commandemens. D'avantage, si ainsi estoit, Dieu seroit autheur de mal, si nous estiōs cōtraints, de pecher par son moyen. Ce que sembleroit veritable, suyuant ce qui est escrit: Non est malum in ciuitate, quod Deus non fecerit. Ce qui est du tout errone: car fault entendre ce que dit Basile le le grand. Ceste diction de mal, en ce passage, signifie vexation & calamité, que Dieu inflige aux pecheurs, pour la corectiō de leurs fautes. Par les choses susdites apert doncq' euidēment, que l'opinion d'iceux est faulse & heretique. Parquoy saint Augustin conclud, en determināt la verité de ces choses, que l'estoile nouvelle, qui aparut à la natiuité de IESVS CHRIST, ne luy fut point à mal destinée, ne bō heur. Aussi dit au huitiesme sermō sur S. Iā, que le seigneur & fauteur des estoiles, n'est point souz la destinée ne disposition d'icelles. Semblablement à ce propos dit cōtra Faustū, que IESVS CHRIST fut cause de la naissance & aparition de l'estoile, & nō l'estoile cause de la natiuité d'iceluy. Et par ce que l'on pourroit demander, si l'impression des luminaires

Dieu n'est
point lié des
astres.

DE LA VRAIE ASTRO.

naires celestes est point cause de la diuersité des meurs, & cōditiōs des hōmes, à ce respōd Brochard, que la question a double sens, selon diuerses interpretations, & si on veut dire, que icelles estoiles soient cause, & qu'elles cōtraignent les volūtez & cōditiōs des hōmes, celà n'est pas seulement faulx, mais heretique: car c'est contre la foy & religiō Chrestienne, entant que par ce il s'ensuyuroit, que quelconque chose que l'homme fist iamaïs n'en auroit aucun merite, ne gloire comme il est dir dessus. Mais si on veut dire, que les meurs des hommes sont dispositiuelement & contingemment variezz par la dispositiō des estoiles, ceste chose peult auoir quelque verité, & ne repugne point à la foy, ne à raisō. Car il est clair & manifeste, que la cōplexion diuerse des corps fait moult à la variation & mutation des affectiōs, & des meurs. Parquoy les coleriques sont naturellement disposez & promptz à courroux, magnifiques, & liberaux. Les sanguins, amoureux, benins & gracieux. Les melencoliques froidz, rudes, & malplaisans, inhumains, trōpeurs & auaricieux: & les flegmatiques endormiz, lourds & paresseux: mais

Des quatre humeurs procedent diuerses affectiōs.

cecy n'emporte aucune neceſſité, ains l'ame a domination ſur le corps, meſmemēt quand elle eſt aydée par grace, en ſorte que nous voyōs pluſieurs coleriques doux & amyables, auſſi pluſieurs melācoliques benins, gracieux, & miſericordieux. Et pour ce que la vertu des corps celeſtes œuure, & a aucune cauſalité en la mixtion & qualité des complexions, de ce peult proceder, que ſur les meurs & conditions des hommes peult quelque peu diſpoſitiuement contingemment œuurer, combiē que la vertu & nature inferieure fait plus à la qualité de la complexion, que ne fait la vertu des eſtoiles. A cēte cauſe ſaint Auguſtin au cinqieſme liure de la cité de Dieu en la ſolution de certaine queſtion touchant deux freres, leſquelz furent enſemble malades & gueriz aprouue & louē plus la reſpōſe de Hipocrates Medecin, que de l'Aſtrophicien, quand l'on demanda à iceluy Hipocrates la cauſe, pour quoy ilz auioent eſté enſemble malades, & gueriz reſpondit, que ce fut par la ſimilitude de leur complexion: mais l'Aſtrophique dit, que c'eſtoit pour l'identité & conuenance des cōſtellations. Il eſt manifeſte, que la reſpōſe

L'ame a
pouoir ſur le
corps.

DE LA VRAIE ASTRO.

Les astres
rien ne con-
traignent.

se du Medecin est meilleure, en tât qu'il a bail-
lé & rēdu cause plus propre, & plus prochai-
ne. Et quant à l'obiection qu'on pourroit aussi
faire par ce qui est escrit au liure de la pro-
priété des Elemens, que les Royaumes ont esté
fait & vuides & destruit & les commixtions
de Iupiter & de Saturne, & qu'il est pa-
tant que telles choses ne dependent point de li-
beral arbitre: parquoy il sembleroit qu'iceux
planetes sont causes de telles auantures &
fortunes. A ce peult estre respondu, que ledit
liure est faulusement atribué à Aristote, com-
me à plain est déclaré deßus: mais ores que
Aristote l'auroit dit, l'on respōd, qu'il ne au-
roit point entendu par son dire, que les hom-
mes n'eussent bien resisté à telles influēces &
constellations, si l'eussent voulu: Car (cōme
dit Ptolemée en son *Almageste*) Le sage hō-
me aura dominatiō sur les estoiles. Ainsi posé
que la coniunction d'iceux ditz planetes in-
clinent les hommes à noyse & discordes: Tou-
teffoys on a liberal arbitre, pour y resister fa-
cilement avecques l'ayde Dieu. Ce que Aristote
mesmes a ferme au tiers de ses *Ethiques*
par telles paroles: *Nos sumus domini ope-
rationum*

rationum nostrarū. Et à ce qu'on pourroit
 aussi demander, veu que Damascene dit au
 second liure & chapitre septiesme, que sou-
 uent apparoissent Cometes, lesquelles sont
 signes de la mort des Roys: pourquoy on pour- Cometes aux
trepas des
Princes.
 roit conclure comme dessus qu'elles sont cau-
 ses des biē fortunez. A quoy peult estre respō-
 du en deux manieres. Les aucuns dient, que la
 Comete n'est point naturellement engendrée,
 ne aussi l'une des estoiles mise au firmament:
 & par ce n'a point naturelle significatiō d'au-
 cune chose: pour ceste cause dit iceluy Dama-
 scene aux lieux susditz, que les Cometes n'ont
 point esté engendrées des le commencement,
 mais sont en certain espace de temps causées
 & produites, & puy de rechief destruites &
 anichilées, selon le plaisir & la permissiō di-
 uine. Il y a vne autre opinion d'aucuns, voulās
 parler naturellemēt d'icelles Cometes, disans,
 que la Comete est vne impressiō chaude &
 seche, engendrée pres la region du feu, de va-
 peur & exhalation chaude & seche en la par-
 tie superieure de l'air, laquelle impressiō assē-
 blée se monstre estre le corps d'une estoile:
 mais les parties discontinuées & estendues
 autour

DE LA VRAIE ASTRO.

autour & à l'environ d'iceluy corps en ses extremitez sôt les crins, ou cheueux, cōme dit Albert le grand, laquelle chose est pour l'inflā-
tion de l'air souz cinq planetes: c'est à sçauoir Saturne, Iupiter, Mercure, Mārs, & Venus, lesquelz pour la velocité de leur mouuement enflāmet l'air estāt à l'enuiro d'enx. Selō ceste maniere de parler, la Comete signifie & repre-
sente accidentalement mortalité procedant de maladies chaudes & seiches. Car siccité ve-
hement & excessiue a acoustumé de proce-
der & estre conuenable à la generation de la Comete. Pour ceste cause les hommes rempliz de richesses, qui ont acoustumé de viure de viā des chaudes & seiches, meurent communemēt en tel temps: entre lesquelz riches fault grā-
dement noter la mort des Princes. Isidore au tiers des Ethimologies chapitre seprāte est de ceste opinion, & dit, que ceste espeece & maniere d'estoile en son aparition signi-
fie pestilence, ou bataille. Semblablement dit Bede, qu'elle denote pestilence, vents, ou cha-
leurs. En oultre si l'on demande, si l'estoile qui aparut à la natiuité de IESVS CHRIST estoit Comete, respōd aussi ledit Brochard, par
l'autho-

l'authorité d'iceluy Bede, que non : car pour
 quelz cōques causes que la Comete depēd, elle
 se monstre tousiours en la partie Septentrio-
 nale: mais l'estoile qui en la naissance de IE-
 SVS CHRIST aparut, auoit son mouuement
 à Midy vers Occidēt, laquelle chose n'est point
 veüe au cours & mouuement des Cometes,
 cōme dit Ian Chrysostome: par ces moyens est
 ladite question solue, c'est à sçauoir que les
 impressions des estoiles sont cause aucunemēt
 dispositiue de la variation & diuersité des
 meurs : mais non pas necessaire, ne suffisante,
 dont fault tenir pour resolution, que les astres
 & corps celestes n'ont esté créez pour regir
 & gouverner le mōde: mais plustost pour luy
 bailler clarté & autres effaitz le tout au pro-
 fit de l'homme, comme apert par la parole de
 Dieu, cōtenue au premier chapitre de Genese,
 dōt aũs dessus parlé, quād il dit: Soyēt faitz
 luminaires au firmamēt, qui diuisent le iour de
 la nuit & soyent en signes, en temps iours &
 ans, pour luyre au firmamēt & iluminer la ter-
 re. Et fit lors Dieu deux luminaires, & corps,
 rendās clarté & lumieres. Le grād, pour luyre
 le iour, & le moindre, pour luyre la nuit, & les
 f estoiles

DE LA VRAIE ASTRO.

estailles pour separer la lumiere des tenebres,
 & par la Lune & les estailles voulut Dieu i-
 luminer la nuit, qu'elle ne fust trop laide, & à
 fin que ceux qui vôt de nuit (cōme les mariniers
 & autres errāts) peussent auoir aucune clarté
 pour soy regir & gouverner. Et ne voulut poit
 le createur, cōme dit la glose sur ce passage, que
 le Soleil & la Lune fussent faitz seulement
 pour dōner clarté & beauté: mais aussi qu'ilz
 fussent en signes de serenité & de tēpeste, &
 nō en signes des auātures & de l'estat de noz
 vies, cōme disent les payens, & autres gēs tre
 buchez en erreur, qui sont propoz estrāges de
 ccux de nōstre pere, qui est aux cieux. Car, se-
 lon Bede, quand le Soleil est troublé ou souz
 vne nue se monstrāt de couleur rouge, il deno-
 te tempeste, & s'il est clair & resplendissant
 au milieu & rayāt vers Auster, ou Midy, si-
 gnifie tempestes de pluyes, & de vents: & si
 vers le vespre est pasle, & se couche en nues
 noires, il denote vēt d'Aquilon, ou de Bise. Et
 si la Lune en son cōmencement est de couleur
 d'or, elle denote vents à venir. Si au coing de
 hault elle est noire d'aucunes taches, c'est si-
 gne que le commencement du moys sera plu-
 uieux,

Signes du
Soleil.

Signes de la
Lune.

uieux, si elle est noire au milieu, c'est signe de serenité & beau temps en la pleine Lune: mais quand de nuit elle scintelle sur la mer, c'est signe aux mariniers, que de brief ilz auront tēpeste, par lesquelles paroles, & autres dessus dites, sont comprinses les causes, fins, & operations des corps celestes: & partant ne s'en fault enquerir plus auant, qui ne veult entrer en superflue curiosité.

La faulse Astrologie dannée, & reprouuée, par les Philosophes & Medecins anciens & modernes.

Chapitre VII.



Platon & Aristote, deux luminaires & principaux entre les Philosophes, traitans des corps celestes & propriété d'iceux, & des causes prouenant d'iceux sur les choses de ce monde inferieur, n'ont oncques fait mention de ceste Astrologie, combien que des lors, & des long temps auant, elle fust inuentée par les Caldées, en declarant assez aisiblement par eux mieux, que par escriture, qu'ilz la tenoient pour faulse &
f ij reprou-

DE LA VRAIE ASTRO.

reprouée. Et est ceste la raison pourquoy Aristote au liure du Ciel & du Monde n'en a fait mention, ne des proprietéz & effaitz des planeres. Ce qu'il eust deu faire, s'il eust estimé celà se faire par la cognoissance des choses celestes, ou pour le moins es liures des Metheores, ou il traite des causes de pluyes, tēpestes, tonnerres, Cometes, sans touteſſois iamais entrer en poroles des influences & cōstellatiōs. Au liure des bestes & parties d'icelles, traitant de la generation des animaux, des iumeaux, des diuerſitez d'enfantements naturels & cōtre nature, & choses tāt naturelles, que diformes & prodigieuses enfantées, n'a iamais referé ne la diferēce des sexes, ne le nōbre, ne la qualité des choses procreées aux aſtres, ny dit à tout le moins en paſſāt, & par recit ſeulement quelque mot de ce. Et pourquoy en ſes problemes, auquel liure il a traité par forme de douter & chercher la verité de pluſieurs queſtiōs & difficultez de tous ars, & ſciēces, & fait mentiō de pluſieurs opiniōs & reſolutiōs, tant vrayes, que faulſes des anciens Philoſophes, iamais touteſſois n'a il touché aucune parole de ceste Mathematique? Il eſt tout

certains, que Ciceron aux liures de diuination l'a reproouée, & par diuerses raisons amplement deduites. Seneque pareillement l'a desprisée. Et recite Porphire, de Plotin, l'un des grāds Platoniques qui oncq' ayt esté, qu'apres y auoir long tēps & diligemment estudié, cognoissant que tout ce qui est escrit d'icelle n'estoit que vanité, & que les diuinatiōs & predictiōs estoient le plus souuent faulses, s'en moqua grandement, & cōfuta toutes reigles & assertions d'icelle. Auicēne, l'un des plus excellēs auteurs, de l'art de Medecine, & sçauāt en toutes pars de la Philosophie, en son dernier liure d'icelle Philosophie, c'est efforce mōstrer par plusieurs bōnes raisons, & cōcluan-tes, qu'impossible est aux Astrologues predire les choses futures, & que foy aucune ne doit estre aoustée à leurs afirmations & menteuses promesses. Auerroys, nommé par grande dignité le cōmentateur d'Aristote, au cōment qu'il a fait sur les Cantiques d' Auicēne, iceux exposant, a dit ce que s'ensuyt : Les Astrologiens maintiennēt qu'il y a aucunes Planetes, desquelz les effaitz ne sont effaitz, ou operati-
Des plane-
tes bons &
mauuais.

DE LA VRAIE ASTRO.

corruption, & ce des planetes, qu'ilz apellent infortunez, & les autres, desquelz les operations sont profitables & rēdent à bien & augmentation, mettās chacun planete en certains lieux, esquelz ilz tiennēt leurs puissances & operations estre fortes à bien, ou mal, nommez par eux exaltations, & triplicitēz, & certains autres, esquelz ilz affoiblissent & perdent leur vertu: Ce qui est tout contre la Philosophie naturelle: Car toutes actions du ciel & des astres sont bonnes & louables. Et en sa premiere Philosophie se moque de l'opiniō des Astrologues, qui croient les bestes estans en la terre estre subietes & souz le gouuernemēt des images & figures celestes de leur semblance: cōme les Moutons, au Mouton: les Toreaux, au Toreau: qui est partie de la superstition Astrologique. Eudoxus & Heychilac tresçauans Mathematiciens, apres auoir lōg tēps estude en icelle, cōfessans que l'ō ne peut trouuer reigles & preceptes certains pour asseurer, les ingemēs & diuinations des choses futures tant pour l'infinitē des causes commo rantes en toutes operatiōs avecq' les cieux & astres, qu'il conuient considerer avecq' iceux,

que

que par ce que les occasions suruenâtes empeschent iceux effaitz, comme peuuent estre les costumes & meurs des païs & personnes, la nourriture, le lieu, la puissance, ou Prince dominant en iceluy, le boire, le mēger, l'institution de sagesse de la personne, de laquelle l'on a deuiné, recognoissant en fin, que les influences des dictz cieux ne cōtraignēt, mais seulement inclinēt & disposent la persōne plustost à aucunes operations, que aux autres. Varron estimé entre les anciēns Romains, sçauāt en toutes lettres & sciēces, souloit dire, que toutes vanitez & superstitiōs estoient venues & sorties du son de ceste Astrologie. En nostre tēps, quoy que ce soit de nostre memoire, a vescu en Italie vntressolennel personnage, reputé le plus sçauant Philosophe de son aage, nommé Ian Picus Comte de la Mirandole, lequel apres auoir veu (ainsi qu'il estoit homme adonné à toutes sciences & grand lecteur des liures) les volumes, par lesquelz est amplement exposée icelle science, cognoissant que c'estoient toutes escritures & enseignemens vains, composa contre les Mathematiciēns Astrologues douze liures, esquelz il a si auant confuté leurs

f iiii raisons,

Picus de Mirandole contre les Astrologues diuinateurs.

DE LA VRAIE ASTRO.

raisons par lesquelles ilz fondent leur dire & documens, demonstrent icelles estre faulses, fuites, vicieuses, repugnantes, & contredisans les vns aux autres, & ridicules, que nul ne scauroit les sauuer, ou suffisammāt y respōdre, ainsi que a ferme Henry Agripa en son liure de la vanité des sciēces, & en passāt outre dit iceluy Pirus, apres Lactāce anciē Theologien de nostre Loy, que tel art a esté inuētē par les malins espritx, pour abolir non seulement la Medecine: mais la prouidence, tant diuine, que humaine, les polices des viles, les loix & gouuernemēs avecq' toute la religiō, qui est à dire l'hōneur & reuerāce que nous deuōs & portōs à Dieu le createur & à sa sainte maiestē, outrepassant les cieux estoiles & toutes choses créées: car, cōme il dit, c'est chose certaine, que si toutes choses auiennent & sont faites par la vertu des cōstellatiōs, & que en ce y ayt fatale necessité, le lib. arb. d'ū chacū a biē ou mal faire seroittolu, les pechez ne seroiēt pechez, ains œures excusables, cōme faites par cōtrainte, les vertuz pareillemēt perdroiēt leur apellatiō & force cōme faites nō volūtairēmēt: mais par necessité ineuitable. Loyer & peine n'auroient plus

plus de lieu, les miracles, & operatiōs diuines, seroient abolies, la Philosophie traitāt des causes naturelles de toutes choses du tout destruite. Qui sōt toutes opiniōs les plus absurdes, que l'on sçauroit estimer. De ceste source, dit iceluy Picus, s'ourdirent iadis en l'Eglise les heresies des Manichées, qui ostoit toute liberté de volonté & operation, que nous apellons le liberal arbitre, & de Basilides, lequel soustenoit le nombre des cieux estre de trois cens soixante & cinq, semblables & créez les vns des autres. Et la demonstrece que chacun fait de soy par chacun iour, estre le nombre des iours de l'année, ayans chacun d'iceux certaines anges & puissances de nous diuers, & sur tous en general nommé Abraxas, qui est vne Abraxas. diction contenant en soy, selon que les Græcs vsent de leur letre, pour notes de nombre, ou chiffre, de nombre de trois cens soixante cinq. L'on peult à ce que dessus aiouster ce qu'a escrit vn excellēt Docteur de Medecine de Ferrare, nommé Ian Manard, en vne siēne epistre escrite a Pierre Chastelain, en laquelle escriuant de la faulseté de ceste Astrologie iudiciare, dit: que c'est vne superflue & superstitieu-

DE LA VRAIE ASTRO.

*tieuse obseruation des astres, laquelle assigne
 & difinit certaines heures à faire toutes œu-
 ures, voire mesmes à tailler, ou vestir vne robe,
 & promet rendre prompte responce à tous in-
 terrogatoires d'entreprises, & questions in-
 cogneuës, & ce par les astres, qui lors de l'in-
 terrogatoire se monstrent soudain, ou müssent
 es mansions plustost saintes, & imaginaires,
 que vraies, laquelle estant du tout inutile &
 pleine de deceptiõ, doit estre dechassée de tou-
 te Republique bien gouuernée. L'on voit cha-
 cun iour par experience, laquelle fait foy indu-
 bitable, que ceux coustumierement sont beau-
 coup plus malheureux, & moins viēēt au des-
 sus de leur affaire, qui se donnent garde des
 bonnes & mauuaises heures, fondées sur les a-
 stres, que ceux qui par prudēce & bõne discre-
 tion se gouuernent, & conduisent leurs entre-
 prises. Zoroastes fut iadis estimé l'un des
 plus sçauans, & experimenté es arts, tant de
 Mathematique, que de Magie, lequel partant
 deuoit cognoistre & foy garder des inconue-
 niens, qui luy pourroient auenir: & toutesfois
 il fut en guerre vaincu & occis, par Ninus
 Roy des Assyriēs, qui n'estoit ny Astrologue,*

Zoroastes,

ny Magicien. Nous lifons, que Pompée vsoit ^{Pompée.}
 fort de toutes sortes de Deuins, & leur aiou-
 stoit grand' foy, au contraire Cesar n'en faisoit ^{Cesar.}
 conte aucun: & toutesfois fut Pompée en fin
 defait par Cesar, auquel demoura toute la gloi-
 re de la victoire. Iustinien l'Empereur enne- ^{Iustinien.}
 my des faulx Mathematiciens, & ayant fait
 plusieurs loix & ordōnances contre eux, pour
 les abolir, & dechasser de ses terres & païs,
 & toutesfois en son viuant, a fait infinies con-
 questes. Au contraire Iulien l'Apostat trescu ^{Iulien l'A-}
 rieux de toutes superstitions & deuinations ^{postat.}
 en peu de temps, nonobstant icelles perdit, &
 vie, & Empire. Et par tant le vray cōseil, que
 doit en ses affaires prēdre vn chacun, n'est pas
 de foy enquerir des Astrologiens, & Deuins,
 de ce qu'il aura à faire, ains (s'il est malade)
 d'auoir recours aux Medecins, si c'est chose, à
 laquelle il faille pouruoir d'vser de prudence
 & conseil de gens expertz & entenduz, ain-
 si qu'il est escrit, qu'il conuient à l'homme vser
 de prudēce, à ce qu'il ne tombe en mauuais che-
 min, ou encombrer. Doncq' est la cognoissan-
 ce de ceste science inutile: par ce qu'elle ne con-
 tiēt verité, & est sans fondemēt, ou raison: Et
 par

DE LA VRAIE ASTRO.

partant est tresdangereux de soy fier, & y ficher son esperance. Pour tesmoignage de ce ie pourrois encores aleguer plusieurs ditx & escritx, tant de Nicolaus Oresius (qui de ce a fait vn liure à part) que d'Angelus Politianus, en vne epistre enuoyée à Ian Picus, dessus nômé, ce qu'obmetx, à cause de breueté, & par ce que chacun peult voir leurs liures & passages, de ce faisans mention.

Que ceste Astrologie ne peult,
ou doit estre apellée
science.

Chapitre VIII.



Et par ce que l'on pourroit aleguer, qu'aucunes fois des choses par eux predites en auient aucunes, ce qui pourroit mouuoir aucuns à leur croire, la response est à ce toute notoire : Que si ce quelques fois a esté ce trouué vray, s'a esté par accident, & nō par moyen, ou raison: ne plus ne moins qu'il est par diuerses fois auenu, qu'en ouurant vn liure

ure c'est trouué le premier vers ou sentence seruant au propos & intention de celuy, lequel sçachant la responce sur aucun sien doute, auroit ouuert iceluy liure. Comme souloit iadis faire l'Empereur Alexandre Seuerus, ainsi qu'aferme Lāpridius. Et toutesfois oncq' personne ne dist, ou aferma, qu'en ce gist aucun art, ou science. Et comment y pourroit il auoir assurance aucune, quand les autheurs d'icelle sont descordans entr'eux, quant aux principes & reigles, lesquelles il conuient suyure pour deuiner. Car les Caldées en la diuision du Zodiacy mettent non douze signes, comme les autres, mais vnze ymages de diuerse longueur & largeur: & si ne distribuent point les Planetes par mansions: mais seulement regardent aux exaltations & haulteurs. Les autres, comme bien qu'ilz s'acordent en la diuision des signes & degrez: toutesfois se contredisent en la diuision des mansions, en sorte que l'on ne sçait auquelz plustost croire. Et ainsi auient, que la Planete, qui selon les vns est en la premiere mäsion, selon les autres est colloquée en la seconde, ou douzeiesme. Dont auient, que les regardz, dominatiōs, & force dicelles sont

Grandes con
trarietēz
des Astrolo
giens.

gran

DE LA VRAIE ASTRO.

grandement diuersifiées: par ce qu'une estant forte en la premiere, ou quatreiesme, ou en l'angle, en la douzeiesme mansion, n'aura vigueur aucune ny vertu. Et au vray dire, il est fort estrange qu'une estoile estant en la quatreiesme mansion souz la terre ayt plus d'efficace & influence sur la creature venant au monde, que celle qui sera en l'unzeiesme, ou douzeiesme, en l'Orizon & dessus la terre, lors d'icelle natiuité. Ce qui a meu aucuns de contredire à la commune opinion, soustenans, que les estoiles estans en l'Orizon, & sur la terre lors de la natiuité, sont plus fortes, & de plus grande operation, que celles qui ne sont lors en euidence, & cachées: Qui est la cause, pour laquelle ilz se contrarient aussi, quāt à la force & vertu des mäsions, & que Ptolomée mesmes quelquesfois prepose l'unzeiesme en force à la premiere, quelquesfois est d'opinion diuerse, & d'auantage donne la vertu principale au mylieu du ciel. Messahalam, Abrazar à l'Oriēt. Quāt à la distribution des regards & à la nature des Planetes, ilz se contrarient aussi merueilleusement: Car Abarangel & Alcabitus ont estimé la Lune estre froide, & toutesfois

Abra

Abrazar, & Ptolomée, l'ont reputée estre chaude. Le pareil est de la bonté, ou malice d'icelles, en quoy ilz ne s'acordēt non plus que au reste. Anenazra atribué les testicules à Sagitarius, Abrazar à Scorpius, Alcabitius le Diaphragme, separant les membres spirituelz des membres seruans à la nourriture, à Virgo, Porphirius à Leo, auquel il atribue le ventre, que les Arabes mettent souz Virgo. Aucuns mettent les genoux souz Sagitarius, que les Arabes & Latins atribuent à Capricornus. Heliazar Hebrien, assigne à Cancer les mains, & les piedz, les autres assignent les mains à Gemini, les piedz à Pisces. Luy mesmes encores atribue à Libra les greues & piedz, pour autre regard: Car à Cancer il les assigne, entant qu'ilz seruent pour marcher à Libra: Pour ce qu'en allant l'on les leue & abaisse, qui est vne ressemblance, qu'ilz ont avecq' la balance ou Libra. Les aucuns ont escrit que les greues sont souz Aquarius. Les vns que les parties honteuses sont souz Scorpius: Les autres, qu'elles sont souz Sagittarius, en maniere que la confusion & incertitude y est si grāde, que de tirer de leurs preceptes & fondemēs cōiectures certaines, il est aussi aysé, cō

DE LA VRAIE ASTRO.

me d'acorder ensemble choses toutes contraires & contredisantes l'une à l'autre. Ne sont d'acord quant à la bonté, & malheur, venans des Planetes, atribuent puissance aux teste & queue du Dragon, qui ne sont que pointz imaginaires. Ne s'acordent le plus du temps du Seigneur de l'année. Et partant ne doiuent les doctes & sçauans Medecins faire difficulté de seigner vn patient lors, que (selon le dire d'iceux Astrologues) la Lune est en Gemini, souz lequel signe ilz posent les braz ou pendant qu'elle est en autre signe, ayant souz sa domination autre membre du corps humain: Car premierement leur doctrine en ce n'est certaine, & ne s'accordent entr'eux, comme a esté dessus remonstré. Et d'auantage Hipocrates, ny Galien, ny Auicene, ny Cribasius, ou Aegineta, Princes des Medecins, n'ont ce obserué, & encores moins par leurs liures escrit, ou conseillé, que l'on s'en donnast de garde. Ce qu'ilz n'eussent obmis, s'ilz l'eussent reputé necessaire à considerer. Ioint que plusieurs gens de sçauoir & experimenter en l'art, comme recitent Nicolas Oresius, & Manard dessus allegué, & tant de luy, que d'autres, ont fait le

▲ la seignée
ne fault pré
dre garde
aux astres.

le contraire, & sans aucun egard aux signes, ou conionctions du Soleil, & de la Lune, ont fait seigner les malades, & baillé medecines lors, que le besoing le requeroit, & de tel membre, que bon leur sembloit: en quoy faisant ilz en ont plus veu guerir, que de ceux qui en atendent les bonnes heures, perdoient ce pendant les occasions d'obuier à la force & violence des maladies. Comme pareillemēt n'ont observé, ne par leurs liures escrit, ou conseillé d'observer plusieurs excellens, & tresfameux professeurs en la faculté de Medecine, lesquelz pour honneur nous pouuons nommer, combien qu'ilz soient encores viuans, & en admiration vers infinies personnes, qui par leurs aydes ont esté deliurées d'extremes maladies. C'est à sçauoir maistres Martin Akaquia, & Iaques Syluius Medecins de la ville de Paris, & des plus sçauans de l'Europe, cōme bien declarent leurs œuvres, Leonart Fuchius Aleman, Anthoine Musa, & Ian Pierre Merēda Italiens, lesquelz ont de ce fait infinies experiences. Et à ce que met en auant Pierre de Apono, que certain personnage pour auoir esté seigné au bras, la Lune estat en Gemini tomba en incōue

g

nient



DE LA VRAIE ASTRO.

nient, ce peult estre auenu, ou par l'impericie du Chirurgien, ou par sa faulte, ou par ce que la lancette n'estoit nette & bien parée. Mais que la Lune en fut cause, ce n'est non plus veritable, que si l'on vouloit dire vn personnage estre mort, par ce que lors l'Empereur passoit par la vile de Paris, qui est chose du tout accidentale & separée de la maladie. Certainement si ceste estoit vn art & science, ayant reigles & fondemens certains, que l'on peust sçauoir & comprendre, pour selon iceux faire iugement, l'on ne verroit les faulsetez innombrables, qui par chacun iour si trouuent & voyent en leurs pronostications, quād ilz nous predisent mortalitez, guerres, pestes, famines certaines especes de maladies, froidures, chaleurs, sterilitez, fertilitez, avecq' abundance de biens: dont le plus souuent riens n'auient, si non au contraire de leurs escritz. Mais comme bons menteurs ont tousiours leurs excuses en la main, c'est des regards, ou radiations des autres Planetes, qu'ilz disent empescher quelquesfois, ou bien moderer & restreindre les operations des autres, qui est couuerture pareille à celle des Archimistes, aussi grands imposteurs

Archimistes.

steurs, comme les Astrologues, lesquels ne sçachans paruenir au dessus des transmutatiōs metaliques & grandes promesses par eux faites, disent auoir empeschement, de quelque autre default, qui est cause que iamais l'ouurage ne vient à perfection: Car quant aux appellations des signes celestes & Planetes, l'on sçait assez que ce sont toutes choses faites à plaisir, & prinſes des fables, & poësies anciennes, ainsi qu'à plain raconte Higinius: en sorte que de faire fondemēt aucun sur iceux noms, c'est autant comme croire, que les noms des bestes contenuz es fables d'Esopé ayent quelque signification, ou importance, ce que iamais homme de bon sens ne penseroit. Et pource que les Caldées iadis pronostiquoient choses vaines en donnant à entendre par leurs mensonges au commun peuple de petit entendement des pronostications, qu'ilz faisoient pour leur gain & salaire venir & proceder, par les faulſes interpretations des estoiles, furent par editz contrains sortir de la cité de Rome, & païs d'Italie, cōme ateste Valere le grand en la quatreiesme Rubrique de son premier liure. Nous li-

Diogenes
Sinopense.

DE LA VRAIE ASTRO.

thematiciens, d'autant qu'ilz s'amussoient à regarder le Soleil, la Lune, & les estoiles, ne cognoissans point : toutesfois ces choses qui estoient deuant leurs piedz. Que pensent doncques ceux, comme dit Erasme Reterodame (hōme de grand sçauoir) en son liure de preparatione ad mortem, qui courent aux diseurs de bonne fortune, aux Astrologues, aux Phisionomes, à ceux qui diuinent selon l'heure de la natiuité, aux nombres Babiloniques, aux Magiques, & Enchanteurs, pour sçauoir combien & comment ilz doiuent viure? L'Eclesiaste dit: L'homme ignore sa fin, mais cōme les poisons sont prins à l'hameçō, & les oyseaux aux lacz, ainsi sont surprins les hommes en temps mauuais, lors que l'auerfité les surprend. Et nous voulons sçauoir la fin de noz iours par ceux qui ignorēt la leur. Les hōmes cognoistrōt ilz maugré Iesus Christ, par ces diuinateurs, rempliz de vanité, ce, que luy eslāt verité eternelle a voulu a tous estre incogneu? pour ce qu'il n'est expedient de le sçauoir. L'exemple du mauuais Saül, plaist il aux Chrestiens. De quoy luy seruit ceste sorciere là, sinon de le faire mourir doublement? Mais comme pourront

De Saül
Roy d'Israël.

sçau-

sçauoir les hommes les choses futures, & la fin de leurs iours, par telles gens, ne par autres viuans, ne semblablement par les diables d'annez, & priuez de la diuine grace, quand aux Anges de Paradis, qui sont en la grace de Dieu, la vie des hommes est incogneuë? Comme pouuons cognoistre par les paroles qu'eut le prophete Esdras à l'Ange, voulant sçauoir si le temps auenir est plus long que le temps passé, ou si plus de choses sont passées, que celles qui s'ot à auenir. Je cognois, dit l'Ange, les choses qui sont passées: mais, celles qui sont à auenir ie les ignore. Et respondât aussi à vne autre sienne demande: Je te puis dire en partie les signes que tu demãdes: mais ie ne suis point enuoyé pour te dire de ta vie: Car aussi n'en sçay-ie riens.

La vie des
hommes in-
cogneuë.

Responſes aux argumens de ceux,
qui s'efforcent la confermer
par auctoritez d'Hipo-
crates, Aristote, Ga-
lien, & autres.

Chapitre

IX.

g iij

Mais

DE LA VRAIE ASTRO.



Mais il nous conuient donner de garde, que iceux Astrologues ne nous abusent s'efforçans faire aïouster foy à leur science, tât par liures faulſement intitulez attribuez par eux aux Philosophes anciens, re-
 ceuz & aprouuez, que par diuerſes propoſitions extraites tant d'iceux, que des liures des inſignes Medecins, qu'ilz diſent eſtre teſmoi-
 gnages certains de la verité de leur ſciēce, & que d'en faire doute, apres telz auteurs, ce ſe-
 roit ſe combattre contre droit & raiſon. Sur-
 quoy fault noter, que ceſte à touſiours eſté la couſtume de ceux, qui ont mis en auant quel-
 que faulſe doctrine, non ayant aucun fonde-
 ment de raiſon pour icelle faire trouuer bonne de dire & aleguer, que les gens de grande ſciē-
 ce ayent icelle aprouuée & ſuyuie, combien que ce ſoit faulx. Et de ceſte ſorte ſont les li-
 ures des proprietēz des Elemens, ou eſt faite mention des grands conionctions, & des ſe-
 cretz, dediez à Alexandre le grād, que ſans aparence aucune l'on dit eſtre d'Ariſtote. Et
 auſſi les liures de la Vache, autrement ditz des institutions, plein de ſonges & reſueries:

Le liure des
 Elemēs, faul-
 cement attri-
 bué à Ari-
 ſtote.
 Le liure de
 la Vache
 n'eſt de Pla-
 ton.

tou-

toutesfois atribuez à Platon: Cōbien que riens ne soit plus loing ny estrange de la sagesse & bonté de vie d'iceluy. Et combiē que quelques simples peussent par ce estre surprins, estimās les intitulations d'iceux liures estre vrayes: toutesfois il est assez aysé à gēs de iugemēt, cognoissans la façon d'escrire d'iceux de cognoistre, que telz liures ne sont composez de leur stile. Le pareil est d'Albert le grād, & pareillemēt de saint Thomas d'Aquin, auxquelz l'on a atribué semblables liures, combien qu'en toutes leurs œuvres, tant de Philosophie, que de Theologie, ilz n'ayent iamais fait mention aucune de l'Astrologie iudiciaire: ce qu'ilz n'eussent obmis, s'ilz eussent en quelque opinion, ou persuasion d'icelle. De semblable faulseré ont esté ceux, qui ont intitulé au nom de Prolomée les liures des Anneaux, d'Hipocrates, ceux des pronostics, ou deuinemens des maladies, qui se font par les cours des astres, lesquelz Hipocrates ne vit oncq', & n'en fait mention en aucuns des liures, par luy composez & commentez par Galien, auquel n'y a vn mot seul de ceste Astrologie. A ceux qui aleguent plusieurs propositions, tant d'Aristote, Ga-

DE LA VRAIE ASTRO.

lien, que d'Auicene, pour donner à entendre qu'ilz ont fait cas de ceste science, l'on peut respondre en vne parole, que ou les susditz ont parlé de l'Astrologie, ilz n'ont entendu leur dire à parler de ceste diuinatoire, ains de la vraye, qui gist en la contemplation des mouuemens des corps celestes, tendans par ce, non à deuiner des fortunes des hommes, ains des cours, reuolutions, & eclipses du Soleil, & de la Lune, & pareillement des mutations de l'air. Quant à Hipocrates, & ce qu'il dit au liure de l'air, lieux, & eaux, qu'un Medecin doit considerer les saisons de l'année, vens, lieux, & regions, faisant parmy ce mention d'aucuns signes celestes, comme de Canicula, Arcturus, les Pleiades, des temps, quelz & autres signes se monstrent dessus, ou sont cachez dessous, noms des Solstices, des Equinoces, tout ce n'est que pour cognoistre les mutations des iours & parties de l'année, avecq' lesquelles se muents & changent aussi les corps humains. Doncq', puy que pour ceste cause seule il maintient l'Astrologie estre vtile, & necessaire à la Medecine, il est tout e-

Vraye Astrologie au Medecin diuisante.

uident, qu'il entend parler de la vraye & certaine, qui traite des mouuemens, & nō pas de la iudiciaire. Ce que pourra cognoistre plus amplemēt, qui lira tout le dit liure: Car il trouuera, que le dit *Auteur* en parlant des diuersitez des meurs, engins, estudes, corps, & cōplexiōs des personnes, ne atribue point ce aux estoiles fixes, ou courātes, ny au lieu du Ciel, ou parties d'iceluy, fortunées, ou malheureuses: mais aux qualitez & diuersitez de l'aer des vents, des eaux, & terres & du boire & mēger d'un chacū. En ses *Aphorismes*, ou briues resolutions, quand il dit les purgations estre ennuyeuses & nuisibles au temps des iours caniculaires, ce ne s'entend que le signe de la canicule, ou petit chien, soit contraire aux purgations, ains par ce que les corps lors estans deseichez, & enflambez, ne soustiennent la force des *Medecines* purgatiues, lesquelles sont grandement chaudes & seches, & mesmement celles dont il vsoit & autres *Medecins* de son temps, par le moyen desquelles en sont lesditz corps renduz plus enflambez & deseichez, & consequemment plus disposez à fieuures: ioint que en temps de grand' chaleur

En temps de chaleur grā de fault entre *Medecines*.

la

DE LA VRAIE ASTRO.

la vertu des corps (comme dit Galien, & en
moſtre l'experience) ſe reſoult & debilité, &
par la medecine en eſt rēdue plus debile. Vne
autre raiſon baille Galien ſur ce paſſage, qui
eſt, que la Medecine atire des parties exte-
rieures aux interieures, & la chaleur de l'aer
en matiere de la chaleur du bain atire des par-
ties interieures aux exterieures, & par ce
moyen eſt la Medecine empeschée en ſon ope-
ration: & non ſeulement eſt ainſi empeschée
par grand' chaleur: mais auſſi par grand' froi-
dure, grand' humidité, & grand' ſechereſſe,
comme par vnes raiſons nous demonſtre A-
uenzoar l'un des plus doctes & experimen-
tez Medecins, que oncques fut. Et ce ie dy ſi-
gnamment oultre ce que par ſes oeuvres il eſt
veu tel, pour ce qu'il a veſcu cent & trēte &
cinq ans touſiours praticāt & exerçant l'art
de Medecine depuis l'aage de quarante ans
inſques auquel aage auoit eſtudié en icelle ſans
auoir aucunement pratiqué & deceda ſain
d'entendement cōme de luy ateſte Auerroys.
Et partant auoit peu voir ce que à homme
eſtoit poſſible de voir, lequel Auenzoar dit,
que le temps, auquel deuous bailler medecine
doit

Auenzoar
Medecin.

doit estre temperé en chaleur, froidure, seche-
 resse, & humidité, n'ayant egard au dire des
 Astrologues en la diuision des temps de l'an-
 née, lesquelz le partent selon certains espaces
 de moys: Par ce que la sciēce de Medecine ne
 procede ainsi, ains selon le sens & sensibilité: Tēps tēperé
pour prēdre
Medecines.
 pour tant que iceluy temps est temperé en tous
 lieux, auquel est cogneu temperature. Sçauoir
 est equalité entre chaleur, froidure, secheresse
 & humidité, en quelque iour ou moys de l'an-
 née que ce soit. Aussi à ladite opiniō des A-
 strologues contredisent les sages de Tolette,
 disans, que la cognoissance fondamentale de
 Medecine à laquelle deuons adherer, est selon
 le sens & estimation parfaite en l'art de Me-
 decine, & que le Medecin ne louē purgations
 ou phlebotomies, sinon en temps tēperé: Pour- Temps tres-
froid ennemi
des purga-
tions.
 tant que quand le temps est esloigné beaucoup
 de la temperature enuers la froidure, les hu-
 meurs sont generalmente coagulez & endur-
 ciz, au moyē dequoy à grād' difficulté l'on pur-
 ge & esmeut: & si l'on vouloit totalement
 purger en tel temps avecques medecines la-
 xatiues, est grandement à craindre l'inconue-
 nient d'excoration des intestins: Pource que la
 froidure

DE LA VRAIE ASTRO.

Dysenterie.

Les espritz
des membres

Lienterie.

froidure de l'aer comprime & repousse les humeurs à l'estomac, & aux intestins: & parce si tu baillies medecine laxatiue s'en pourra ensuyuir dysenterie, d'autant que nature est & a esté paresseuse à l'euacuation des humeurs coagulez, ou adheräs aux membres. Et par la violence faite par la medecine laxatiue s'ensuit ladite dysenterie. Et si l'aer decline à trop grand' chaleur les humeurs soudainement s'euacuent & se meuuent: car le sdit & humeurs sont dissouluz par chaleur, & apres telle euacuation s'ensuit grand' debilité: car aussi semblablement les esprit & se dissoudent. Et quand ie dy les esprit & i'entens des quatre membres principaux: C'est a sçauoir du cueur, foye, cerueau, & genitoires: parce qu'iceux quatre esprit & de sdit & quatre membres sont les soustenemens d'humaine nature & si le tēps est par trop sec, de là s'en peut ensuyuir spasme: & si le temps est par trop humide, le patient sera debilité par ladite purgation, à cause de la relaxation & debilitation de la vertu retentive: & de là s'ensuyt flux sur flux, qui est appelé Lienterie. Pource que quand le membre est priué de la vertu retentive, toutes les autres

vertuz

vertuz sont destruites. Ce que i'ay dit des cōplexions simples à grand' peine se peult trouuer pour la plus part en aucuns temps & regions: mais les composées se peuuent biē trouuer comme chaleur & humidité, froidure & sechereſſe, froidure & humidité: mais par les simples complexions l'on peut ſcauoir & cognoiſtre les cōposées, & ainſi que i'ay déclaré. Lon voit doncques, que ſont les temps & l'année: car en aucū an les arbres ſoudainemēt reuerdiſſent, & bien toſt ſ'auacent à produire leurs fleurs, feuilles, & fruitz, & en l'autre retardent. Parquoy Medecine ne procede, ſinon ſelon le ſens & ſenſibilité: & eſt ce que dit ledit Auenzoar. Et ſont les corps ſecs au tēps deſditz iours caniculaires, nō par ce que l'aſtre du chien ayt quelque force, ou puiſſance d'echauffer: mais auient ce d'autre cauſe, qui eſt par ce que lors que ledit chien ſe monſtre deſſus nous le ſoleil eſt plus proche de nous, & fait plus longue durée en noſtre Orizon. D'autres raiſons nous en deporterōs, puis que par les ſuſdites eſtimons auoir ſuſſamment monſtre les purgations eſtre nuysibles aux temps des iours caniculaires. Et qui de ce en deſire

Iours canic
laires.

DE LA VRAIE ASTRO.

desire d'auantage pourra voir Iā Manard en
son quinzeiesme liure des epistres medica-
les, epistre cinqiesme, & Anthoine Muse sur
l'Aphorisme, Sub cane & ante canem. Les-
quelz, comme gens doctes, & de bon sçauoir,
amateurs de verité & iugemēt tressolide, dō-
nent plusieurs autres bonnes raisons, avecq' la
vraye intelligence d'aucunes authoritez, les-
quelles sans estre bien digerées sembleroient
faire aucunement pour lesditz Astrologues.

Hipocrates
premier que
Ptolomée.

Et comme pourroit Hipocrates auoir fait
mention de ceste Astrologie, veu qu'il a esté
plus de quatre cens ans auant Ptolomée? du-
quel est venue en Grace quasi toute celle dont
à present l'on vse, qui est tresdifferēte de celle
des anciens de Nepsis & Petosiris. Et ne se
trouuera, que Platon, ny Aristote ayent au-
trement fait cas des astres, sinō que par iceux
montans sus nous, ou desceudans dessouz, sont
signifiées les mutations & parties des temps.
Car les anciens ont diuisé les parties de l'an
par les venues dessus nous, ou retour des astres
dessus nostre Hemisphere, comme par choses
posées deuāt noz yeux, & cogneuës par gens
de tous pais. Ce qui n'estoit des noms & nōbre
des

des moys diuers le plus du temps, selõ la diuersité des païs. Quant à ce qu'a escrit Platon en son Timée, il ne se doit entendre des corps celestes: mais des ydées, ou esprit & iceux mouuans, que Platõ a estimé estre avecq' les corps celestes, & leur a donné telle vertu, que quelque fois les a appellez dieux: nõ que par ce il approuue, pres, ou loing ceste sciẽce de deuiner, & pronostiquer. Le pareil est de quelques sentences ou propositions d'Aristote: Car quand il dit en ses Metheores, que les pluyes, gresles, vents, mouuements de terre & plusieurs autres telz accidents auiennent aux mutations du ciel, & de l'aprochement ou reculement du Soleil au Zodiac, ce est tout naturel, & n'a le Philosophe voulu par ce demonstrier autre chose, sinon que par la chaleur, que cause le Soleil aprochant de nous, & froidure, qui nous suruiuent, quand il s'esloigne, suruiuent plusieurs diuersitez les oeuvres naturelles, & non pas que les astres nous donnent confort, ou nuysance. Et portât de ce que recite Aristote mesmes en ses liures Politiques, ou du gouuernement de la chose publique, de Thales ancien Philosophe, que par Astrologie il cognut le deffault

Aristote &
Thales Mile
sus.



DE LA VRAIE ASTRO.

Un grand cherté d'huile qui deuoit estre cer-
 taine année ne se doit inferer, qu'il aprouue ce
 ste Astrologie : Car premierement Aristote
 n'affirme, qu'ainsi ayt esté, ains seulement vse
 de ceste façon de parler: L'on atribue ce à Tha-
 les, qui ne sont paroles affirmatiues: mais reci-
 tatiues d'un commun dire: Et en second lieu ce
 peult tel escrit d'Aristote entendre de l'A-
 strologie commune, par laquelle l'on peult ay-
 sement preuoir quelque indisposition, ou cor-
 ruption de l'air, qui pourroit engendrer dega-
 stement Et perdition des fruitz de la terre:
 Car de le fonder sur la cognoissance des astres,
 Et puissance telle que leur atribuent noz pro-
 gnostiqueurs, ce ne se peult nullement dire, d'au-
 tant que Thales n'eut oncq' cognoissance des-
 dites puissances, Et ne creut oncq' (comme
 nous lisons) ce qu'ilz disent des astres, ains re-
 putoit les astres estre de nature terrestre, Et
 le ciel diuisé en plusieurs pars, qui sont opiniõs
 mal consonantes à celles desditz Astrolo-
 gues. Galien en son liure des iours criticqs aper-
 tement a debatue Et argumenté contre telle
 science, en n'y aioustant non plus de foy, que
 à bourdes, ou songes, cognoissant par toute
icelle

icelle n'y auoir certaineté, ny raisõ aucune. Et
encores aux cõments par luy composez sur les
liures des Epidemies d'Hipocrates en inter- Le Ciel se
prend pour
l'air.
pretant certain passage, ou il fait mentiõ du
ciel dit, que par le Ciel Hipocrates, n'a enten-
du sinon l'air & partie du monde estant sur
nous iusques à la region des nues, qui est fa-
çon de parler assez usitée aux auteurs, tant
Græc que Latins. Et luy mesmes encores au
liure de sa Methode, ou voye vniuerselle de la
façon de medeciner, ou il enseigne la seignée
deuoir estre faite avecq' egard à la nature, ou
complexion, à l'age, & à l'estat, ou disposi-
tion du ciel, à ce qu'aucun ne pensast que par le
ciel il eust entendu les astres, ou celestes figu-
res, en se declarant: Par l'estat du ciel, dit il,
i'entens que l'air auquel nous viuons & som-
mes, ou bien le patient qu'il fault seigner soit
lors atrempé & moderé & non troublé par
vents, pluyes, orages, tonnerres, chaleurs, &
froideures excessiues. Et pareillement la sai-
son de l'année avecq' l'assiete de la region en
laquelle nous sommes. Le mesmes propos es-
crit il encores aux comments sur les prognos-
ticqz de Hipocrates, & plusieurs autres
h passages

DE LA VRAIE ASTRO.

passages en se declarant tousiours, & demō-
strant qu'il entend par ce mot le Ciel. Le sem-
blable est d'Auicenne, aux liures duquel nous
ne trouuons lieu, ou passage aucun, par lequel
l'on puisse arguer qu'il ayt creu à l'Astrologie
iudiciaire, ou reputé qu'elle fust en sorte aucun
ne necessaire à la science de Medecine: mais
bien peult l'on par iceux cōiecturer le contrai-
re, d'autant que iamais il n'a fait mention d'i-
celle, ne des pleines ou nouuelles Lunes, & re-
nouuellement d'icelles, ou autres obseruations
des astres, en parlant tant des purgations &
laschements du ventre, que des incisures des
veines, que nous apellons phlebotomies ou sei-
gnées: ce que toutesfoys en ceste part il
deust auoir fait, s'il eust estimé la
science & eu egard aux
astres comme neces-
saires a la Me-
decine.

La

La faulſe Aſtologie reprouuée
par les ſaintes eſcritures,
& ſaints Docteurs
de l'Egliſe.

Chapitre X.

PArce que aux premieres cōfir-
matiōs de toutes opiniōs & pro-
poſitiōs diſputables, lesquelles
de parſoy n'ont foy, & ne ſont
croyables, il eſt beſoin à celuy,
qui veult perſuader, & eſtre creu ſoy ayder nō
ſeulement de raiſons propres & ſuſiſantes à
demonſtrer ce qu'il a ferme, comme cy deuant
nous auons fait: mais auſſi d'authoritez, qui
vault à dire, des ditx & eſcritx d'Auteurs
anciens aprouuez, & auſquelx au iourd'uy,
ſans doutance aucune, telle foy & credulité
eſt aiouſtée, que qui voudroit ſouſtenir le con-
traire il ſeroit de tous hommes eſtimé, ou de-
ſtitué de toute raiſon & iugement, ou du tout
priué de ſens & entendement. A ceſte cauſe,
en paſſant oultre nous cōuient par authoritez
certaines & inuincibles encores conſermer la
faulſeté & vanité de ceſte diuinerreſſe Aſtro-
logie

DE LA VRAIE ASTRO.

Isaye contre
les Astrolo-
giens.

logie. Isaye le Prophete, parlant en la person-
ne de nostre Seigneur à la cité des Caldées,
qui estoient lors des plus renommez Astrolo-
gues en son trêtesep tiesme chapitre dit, en les
improperant, & reprochant: Viennent auant
telz diuinateurs du Ciel, pour te sauuer, les-
quelz contemploient les astres, & contoient
les moys, pour au moyen d'iceux te predire ce
qui te deuoit auenir. Regarde que tous sont de-
uenus comme paille. Le feu les a cōsommez,
duquel ilz n'eschaperont. Et peu apres: La sa-
gesse & science t'ont deceu. Le mal tombe-
ra sur toy, duquel ne sçauras la cause, ne dont
viendra sur toy telle malheurté, laquelle ne
pourras apaiser par prieres, ou oblations. Au-
quel passage le Prophete par les diuinateurs
du Ciel n'a entëdu (cōme dit saint Hierosme)
autres, que les Astrologues, ou Mathemati-
ciens, lesquelz pëscent tout estre regi par les a-
stres, & par iceux cognoistre ce qui est à au-
enir, disans: Telle chose auendra en telz iours
moys, & année, & telle en antres. Ce que le
Prophete de Dieu reprouue, disāt, que tout tel
dire est sans pouoir, ou effait aucun, cōme dit
le mesme Prophete en son chapitre quarante
qua-

quatreiesme, en la persõne de Dieu le createur:
 Je suis le Seigneur qui fais tout, qui ay espãdu
 le ciel & afermy la terre sans autrui, qui rens
 les signes, auxquelz s'arrestent les deuins, illu-
 soires & sans effait, & qui donne à cognoi-
 stre, que la science des ariolateurs est vraye fu-
 reur & resuerie. Par lesquelles paroles le dit
 Prophete reprẽd aigremẽt la hardiesse & te-
 meritẽ d'iceux diuins, pensans nõ seulemẽt pre-
 uoir par les astres les maux futurs: mais aussi
 bailler les meyẽs pour iceux euitẽr. Ce qui est
 hors leur puissance, cõme aussi n'ont les signes
 sur lesquelz ilz se fondẽt pouoir aucun, selõ que
 escrit Hieremie le Prophete en son dix iẽsme
 cha. parlãt au peuple fidele d'Israël: N'ayez
 crainte aucune des signes du ciel, desquelz les
 Gentilz & Payẽs ont paour: par ce que les fa-
 çõs de viure de telles gens sont foles & vaines
 Sur lequel passage S. Hierosme, docteur solẽ-
 nel de l'Eglise iceluy exposant, dit: Le Prophe-
 te parle des peuples & personnes qui pensent
 le monde estre regi par les astres, & que tou-
 tes choses terriennes ont leurs naissances des
 causes celestes, lesquelles toutesfois ne peunẽt,
 ne bien ne mal faire, & n'entend (cõme dit vn

DE LA VRAIE ASTR.

Note des si-
gnes du ciel.

autre cōmentateur) le Prophete par les signes, sinō le Soleil, la Lune, & autres estoiles mises par la puissance diuine au ciel, pour distinguer les ans, moys, iours, & saisons. Et partant (dit iceluy autheur) ne les fault il craindre : par ce que en icelles n'y a aucune diuinité & ne sont icelles estoiles dieux, cōme les Gētilz ont estimé ayās aucun pouoir, ains creatures de Dieu les a colloquées au ciel, pour signes, cōme dessus a esté dit, par lesquelz touteffoys cōme par autres creatures Dieu mōstre sa vertu & puissance. Ce que nous a enseigné quand il dit au vingtuniesme chap. de saint Luc, parlant du temps de la destruction de Hierusalem: Il paroïstra des signes merueilleux au Soleil, en la Lune, & es estoiles : c'est à sçauoir, que par telz corps celestes cōme par autres creatures il demonstre sa force & nous menace: mais nō pas que iceux astres ayēt de par eux vertu aucune, sinon que tant que le createur leur en a donné, comme à ses oeuvres & instrumēts par lesquelz il veult que les hommes viennent à louër & s'esmerveiller de sa puissance infinie. Mais à le bon seigneur à luy seul retenu la connoissance des temps & momens des choses

à auenir, de la cognoissance desquelz il nous a priuez, selõ qu'est escrit au premier chapitre des actes des Apostres. Et qui fait doute que saint Paul parlant aux Galatiens, ne les ayt notez & reprins de ce qu'aucuns d'iceux estoient adonnez à ceste science diuinative. quand en les increpant il dit: vous contez par forme de chose d'importance les iours, temps, & moys: i'ay crainte, que ce que vous ay enseigne ne face en vous aucun fruit. Voulant par ce inferer, qu'en ceux qui ont telles superstitieuses obseruations, s'empeschent, & y adonnent foy, mal aysément peult la parole de Dieu auoir vertu, ou efficace: d'autant qu'elle est du tous contraire à telles opinions & fantasies. Et parquoy ne doit vn vray Chrestien ny soy contrister, ny esiouir des pronostications des Astrologues, soyent icelles bonnes, ou mauuaises: ains estimer tout ce qu'ilz disent n'estre rien & le vouloir de Dieu & puissance outrepasser tout. Saint Hierosme au comment du premier chapitre de Sophonie le Prophete, parlant de ces Astrologues, escrit: Ce sont ceux qui s'esleuent contre la diuine science & par leur sainte & nõ vraye inuention, ou art, qu'ilz

DE LA VRAIE ASTRO.

se dient auoir, atribuent toutes choses auenātes aux aparitiōs ou cachemens des astres, & au canon. Sed & illud. en la cause xxiiij. question deux iefme, il apelle telle obseruation des astres & estoiles, le reproche & vice d'Egipte, l'acomparant à idolatrie. S. Ambroise, l'un des docteurs principaux de l'eglise, en son liure qu'il a intitulé *Hexamerō*, ou des six parties ou iournées: aucū, dit il, ont voulu descrire & exprimer les qualitez, proprietē, & auanture enfans des leur naissance, ce qui est non seulement faulx: mais aussi impossible. Et partant la cause pourquoy les Apostres furēt appellez à la foy par IESVS CHRIST, & par luy sanctifiez & rachetez, ne fut point des astres ou planetes, souz lesquelz ilz nasquirent: mais la venue du Seigneur & sa sainte

Du bñ larrō passion seule. Le bon larron mis en croix avecq' nostre Sauueur, ne merita point par le moyen de sa naissance ouyr la parole de nostre Seigneur: Tu seras ce iourdhuy avecq' moy en paradis: mais par la grace de Dieu & confession de la foy, qu'il fit en ladite croix.

Saint Pierre Saint Pierre estant es prisons d'Herodes Roy de Galilée prest à estre en brief tué,

es-

eschapa, non point par vertu des astres, ou leurs influences: mais par l'ayde de l'Ange enuoyé par nostre Seigneur pour le deliurer. Que dirons-nous, dit saint Ambroise, de ceux, qui tant par nostre Seigneur IESVS CHRIST, que par ses Apostres & disciples, en son nom, & pour sa foy confermer, ont esté ressuscitez de mort à vie? Les astres ont ilz eu aucune efficace en ce, ou les constellations estans lors de leurs natiuitez? Voulant par ce inferer, que tant es oeuvres supernaturelles, qu'autres, la seule providence & volonté de Dieu est celle, qui tout dispose, & n'ont en icelle les constellations force aucune. Saint Augustin, Docteur aussi tres illustre, meslé, & sçauant es lettres, tât humaines, que Theologiques, esquelles il a esté tenu tres excellent, au liure cinquiesme de la cité de Dieu, chapitre cinquiesme, dit expressement, que ceste Astrologie pronosticât n'est science, ains vanité. Et en la fin du septiesme, conclud par viues raisons, qu'en ce n'y a art, ou doctrine aucune. Briueté me contraint d'obmettre plusieurs autres propos de ce mesmes, escrits par iceluy saint Docteur par tout le dit cinquiesme liure, & pareillement sur le passage de l'epistre

DE LA V R A Y E A S T R O .

pistre saint Paul aux Galates que nous auons
 cy dessus touché, & au liure second, chapitre
 vingtuniesme, & vingtdeuxiesme, de la do-
 ctrine Chrestienne: & pareillement au liure
 des questions du nouueau, & vieil testament,
 auquel en la question soixantetroisiesme, il dit,
 que les Astrologiens sont ennemys de verité,
 & en la cent quinzeiesme, en laquelle ample-
 ment il dispute contr'eux, disant: Que rien n'y
 a plus repugnant à la Chrestienté, que si l'on a-
 iouste foy & m'est sa sollicitude & pensée en
 la Mathematique, par autant que c'est vne a-
 stuce & subtilité inuentée par le dyable. Au
 moyen dequoy enhorté iceluy Docteur vn cha-
 cun d'icelle fuir, apellant ses sectateurs cu-
 rieux, & ennemys de Dieu: tousiours crain-
 tifs, & pensifs, atendants, ou craignans ce,
 qu'ilz n'esçauent s'il auendra. Et aussi au six-
 iemesme sermō de l'Epiphanie, ou aparition de no-
 stre Seigneur, que nous apellons la feste des
 Roys, ou il nomme ceste science vne folie, sacri-
 lege, & execrable & doctrine interdite, en a-
 ioustāt, que des natiuitez des personnes les A-
 strologiens predisent ce que folement, & indi-
 cretement ilz pensent. Et au sermon sur les

pa-

roles de nostre Seigneur, en l'euangile saint
Ian: Je suis la vraye vigne, en s'escriant il dit:
O' Dieu! que tes gens ont esté abusez par les
Mathematiciens, qui leur promettoient gains
au lieu desquelz ilz auroient raporté tout dô
mage. Et en la trezeiesme homelie: le Mathe-
matique, te promet le iour te demain, pour te
donner & toy & luy: mais Dieu, pour bonne
cause, a voulu le iour de nostre mort estre à
no^r incogneu, à ce que chacun de nous tousiours
y pēsast, & en ce faisant fust tousiours sur ses
gardes, & tint tous les iours le droit chemin
de bonne vie. Et au liure de la nature des ma-
lins espritz, que les Græc^z apellent Cacode-
mones, il n'est (dit il) loysible à aucun apres l'a-
uenement de IESVS CHRIST de-
uiner, & faire pronostication sur la natiuité
d'aucun, par l'inspection du ciel. Et au soixan-
tetroisiesme sermon du temps, les conduites
& paracheuemens des negoces & entreprin-
ses seculieres, que les hommes en la vie exte-
rieure font chacun iour ne depēdent de la puis-
sance des estoiles, laquelle n'est aucune: mais de-
pendent toutes choses, & sont gouuernées par
le seul auis du souuerain Dieu, declarant euidē
ment

Cacodemo-
nes.

DE LA VRAIE ASTRO.

ment par tout ce que dessus, & autres infini^x, passages, que toutesfois & quantes que les Astrologues veulent par les astres & estoiles faire iugement des volontez, operations, auantures bonnes, ou mauuaises, & autres qualitez, ou naturelles, ou accidentales des hommes, il^x errent grandement, & passent les bornes de leur art & science. Et ne leur sert (comme ingenieusement remonstre ce mesme auteur au liure de la cité de Dieu) ce que l'on dit, qu'il^x ont prophetisé beaucoup de choses vrayes: Car les hommes, qui ainsi parlent, n'ont mis en memoire toutes leurs erreurs & faulses pronostications, ains, atentif^x seulement aux choses auenues, oublient celles qui oncq' auindrēt, & font mention de celles, qui ont esté preuenues, non point par tel art de Mathematique, qui au cunement n'est: mais à l'auanture comme souuent auient. Saint Gregoire Pape (surnommé pour son sçauoir entre les Docteurs de l'eglise, le grand) en l'homelie, ou sermon de l'Epiphanie: Il fault (dit il) noter, que les Priscilianistes heretiques estimēt chacun homme naistre souz certaine constitution d'estoiles: Et pour confirmation de leur erreur, aleguent l'estoile, qui

apa-

Saint Gre-
goire, des
Priscialini-
stes & A-
strologues.

aparut a la natiuité de nostre Seigneur, disans
 par icelle auoir esté comprins & démontré
 toute la fatale, ou necessaire destinée, qui luy
 deuoit auenir. Mais (dit il) s'ilzeussent bien
 pris garde aux paroles de l'euangile, par les-
 quelles est démontré, que l'estoile tiroit vers
 l'enfant, & non l'enfant vers elle, ilzeussent
 cogneu, que nō l'estoile auoit puissance sur l'en-
 fant: mais l'enfant sur elle. Et à Dieu ne plaise
 (dit il) que les hommes croient qu'il y ayt au-
 cune fatale destinée prouenant des astres: Car
 le seul Dieu, qui a donné la vie & estre à tou-
 tes choses, les regist & aministré: Et n'est l'hō
 me fait pour les estoiles, ains sont les estoiles
 faites pour l'homme. Et partant en disant, que
 les hommes soyent subietz aux astres, ce seroit
 dire que ce qui est fait pour seruir aux hom-
 mes eust domination sur eux. Et outre, en les
 confutant touchant ce qu'ilz disent, que la ver-
 tu de la constellation est, & se prēd en vn mo-
 ment, & point de temps, dit: Si les constella-
 tions se prennent en vn point de temps, il sera
 besoing d'en prendre & nombrer contant, &
 autant de destinées fatales, qu'a de mēbres la
 personne qui naist: par ce que chacun mēbre a
 son

De l'estoile
 des. 3. Roys.

DE LA VRAIE ASTRO.

son mouuement au sortir, & est impossible que la natiuité soit acomplie en vn instant. Dit d'auantage: Et que respondront iceux Astrologues à ce, qu'en mesmes parties de temps naissent les Princes, & serfs, pauvres, & riches, & gens de conditions infinies toutes diuerses, qui tous deuroient estre d'une sorte & qualité, si leurs constellatiōs auoient la force qu'ilz leurs donnent? Et sur la fin: Nous auons ce peu (dit il) parlé de l'estoile, à ce que l'on ne pensast que vousissions laisser en arriere sans note de reprehension, la folie des Mathematiciens, apellans tel art folie, comme elle est veritablement. Saint Ian Chrysostome, ou bouche d'Or, ainsi nommé pour son excellēt parler, en ses homelies sur l'euangile saint Mathieu, reprouue & danne, comme vraye blaphemie, l'opinion de ceux, qui ont estimé les estoiles estre causes des vices des hommes, & que l'un soit adultere, l'autre homicide, ou meurtrier. Contre ces mesmes diuinateurs, par plusieurs raisons & authoritez des escritures saintes, a combattu le tresdiligent sectateur & instaurateur des hystoires, & librairie Ecclesiastique, Eusebe de Pamphilie, en son sixiesme liure, de la preparatiō

rion Euangelique. Saint Basile le grand, iadis
 Euesque de Cesarée en Capadoce, instituteur
 & pere de la vie reguliere monastique, es
 parties de Grèce, en son liure Exameron, ou
 des six iours, escrit: Que es paroles des Astro
 logiens y a eu grande ignorance, & grande im
 pieté, ou ireligion, disant en fin, que si conséquē
 ce aucune, ou connexion y a entre les astres &
 creatures, & que de ce procedent les vices &
 crimes, il faudroit inferer, que Dieu seroit au
 theur & cause des maux faitz, qui seroit
 vraye blasphemie, & chose de non dire. Aux
 autoritez que dessus pouuons-nous encores a
 iouster celle de saint Bonauanture, lequel a de
 laissé par escrit en la premiere partie de son
 Centilogue, que la diuination, laquelle par l'in
 spection des astres ordonne certains iours, &
 heures, comme plus propres & duisantes aux
 affaires que l'on entreprend, n'est qu'illusion
 diabolique, maudite de Dieu, & par l'Eglise
 reprouuée & defendue: en sorte qu'apres les
 ditz & escritures de tant de gens de vie sain
 te & aprouuée, & sçauoir incomparable, pou
 uons conclure, que telle sciēce & opinion n'est
 sinon vne legiere curiosité, & temeraire cre
 duli-

DE LA VRAIE ASTRO.

Diuerſes ef-
peces de Ma-
gie.

dulité, fondée ſur le deſir trop exceſſif, qui eſt
entre les hommes, de cognoiſtre les choſes à a-
uenir, & eſtre ſemblables à Dieu, quelle fut
la premiere tentation faite par le diable à l'hō
me au paradis terreſtre, laquelle (pour deſtrui-
re & aneantir noſtre foy) il continue & met
en auant encores chacun iour, non ſeulement
par le moyen de ceſte ſcience: mais de pluſieurs
autres tendantes toutes à pareille fin de cognoi-
ſtre ce qui auendra en tous affaires: Comme
ſont tous les ars Magiques, leſquelz promet-
tent diuinations, ou par ſuſcitation de morts.
& euocation des ombres des trepaſſez, que
l'on apelle Nicromantie, ou Chiromantie, ou par
feu, que l'on apelle Pyromantie, ou par l'air,
que l'on nomme Aeromantie, ou par la terre,
que l'on dit Geomantie, ou par eau, qui eſt Hy-
dromantie, ou par mirouers, qui ſe nomme Ca-
toptromantie, ou par baſſins pleins d'eau, qu'ilz
nomment Lecanomantie, ou par coignées &
autres telz inſtrumens à doler & polir, laquel-
le eſt apellée Axinomantie, ou par cribles, que
l'on nomme Ceſquinomantie, ou par femmes,
que l'on nomme Capnomantie, ou par les re-
gardz des oyſeaux volans & chātans, que les

anciens Romains apelloient *Auspices* & *Au-
gures*, ou par l'inspection des entrailles de be-
stes freschement tuées en leurs sacrifices,
qu'ilz apelloient *Extispices*, & autres infinies
manieres incertaines & deceptiues, toutes re-
prouuées, tant par les anciens Philosophes &
autres gens de sçauoir, ayans mis leur estude
à cognoistre la verité des œuvres de Nature,
& de ce que l'on en peult cognoistre par rai-
son, & vray discours, que par l'Eglise, concil-
les d'icelle, & droit, tant diuin, qu'humain,
comme cy apres sera plus à plain remonstré.

Que l'Astrologie diuinatrice est reprou-
uée par les saints conciles de l'Egli-
se, droitz Canon & Ciuil.

N *delastue.*

Chapitre XI.



V parauant que venir à fin de
ceste œuvre, & à ce que par au-
thoritez irrefragables soit con-
fermé ce que dessus est dit, re-
ste monstrier & reciter les sen-
tences & iugemens des conciles & saints de
cretz.

DE LA VRAIE ASTRO.

cretz de l'Eglise, avecq' les statutz & constitutions des Princes & Empereurs anciens, cōcernans ceste matiere . En premier lieu de ce est ample mention faite au liure des decretz par toute la cause vingt sixiesme, en laquelle est fait recit d'une constitution conciliaire faite au concile assemblé par un Pape nommé Martin, de telle substāce: Qu'il ne soit loysible: mais estroitement defendu à tous Chrestiens, de garder les preceptes & traditions des Payens, qui sont de prendre garde aux elemens, & cours, tant de la Lune, qu'autres estoiles, & vaine tromperie des signes celestes, pour bastir maisons, semer grains, planter arbres, faire mariages, ou cueillir herbes medicinales. Et encores d'une autre faite au concile de Tollette, par laquelle est faite defense à tous Euesques, Prebstrs, Diacres & autres Clercs, de ne demander, ou prendre aucunement conseil de ceux, qui font profession de telle, & autres sciences diuinatiues, sur peine d'estre a iamais suspēduz de leurs ordres & dignitez . Et en un autre passage audit lieu est fait recit de deux dirz de saint Augustin, l'un, sur les pseumes, qui est: Que quand saint Paul escriuant aux Gala

res en les reprenant disoit: Vous prenez garde aux iours, moys, temps, & heures: Et partant ie doute & crains, que la peine qu'ay mis à vous prescher la foy de IESVS CHRIST ne soit perdue, & moy frustré de mon intention, il parloit de ceux, que prennent garde & font cas des constellations & signes celestes, comme par iceux pensans cognoistre les choses futures. Et par ce moyen (dit il) l'Astrologie, ou Astronomie, quant aux fideles, ou catholiques, n'est plus en vsage: Pour autant que ce pendant que les personnes estoient par leur curiosité trop ententiuës à ce, elles ne pouuoient vaquer à ce qui estoit necessaire au salut de leurs ames. L'autre au liure de la doctrine Chrestienne, auquel parlant ledit saint Augustin des superstitions pernicieuses aux homes, dit ce qui s'ensuyt: Et ne doiuent estre mis hors de la compagnie de ceux, qui font profession des superstitions pernicieuses, les nommez anciennement Genethliax, ainsi appelez à cause de l'observatiõ des iours des natiuitez d'un chacun, qui maintenant ont nom de Mathematiciens. Car posé qu'ilz cognoissent & redigent au vray les vrayes situations des estoiles

Geneth-
liax.

DE LA VRAIE ASTRO.

& astres estans sur nous lors de la naissance
 d'un chacun: toutesfois en voulant de ce faire
 iugemens, & predire, ou les œuvres nostres, ou
 ce que d'icelles s'en pourroit ensuyuir ilz er-
 rent par trop, cōme voulāt demonstrier telle en-
 treprise estre vaine & impossible. A ce pro-
 pos aussi sert le iugement donné par Alexan-
 dre troisieme Pape, lequel suspendit un an en-
 tier de son ordre, un clerc, qui par bon zele &
 simplicité plustost que malice, auoit voulu co-
 gnoistre par l'inspektion de son Astrolabe le
 larrecin fait en certaine eglise. Y a il aucun, le
 quel apres les sentences susdites tāt expresses,
 doine faire doute, que telle science diuinatoi-
 re consistant en l'observation des astres, &
 signes celestes, ne soit du tout à reiecter de
 tous fideles & catholiques? Et toutesfois
 à ce qu'oultre les defences de l'eglise. l'on en-
 tēde qu'encores la puissance seculiere des Prin-
 ces y a mis la main, & imposé grandes &
 grieues peines à ceux, qui s'en mesloyēt, fault
 entendre, que au neufiesme liure du Code de
 Iustinian l'Empereur y a un titre peculier des
 malfaiteurs & Mathematiks, souz lequel sont
 couchées plusieurs loix & entre autres vne, la
 quelle

quelle dit, qu'il est vtile à la chose publique
 d'enseigner & aprendre l'art de Geometrie:
 mais quant à la Mathematique, quelle est dā-
 nable & defendue. Et vne autre de ceste te-
 neur: Nul ne soit qui ose demander conseil, ou
 s'enquerir du Mathematic: ains soit du tout
 delaissee & mise en repos & oubly la curiosi-
 té de deuiner, autrement qui à ce se montrera
 desobeissant endurera par la vengeance du cou-
 steau peine capitale de mort. Et certainement
 doiuent les authoritez & loix susdites satisfai-
 re à tous ceux, qui se veulent souz mettre à rai-
 son, attendu que contre icelles ne scauroiēt que
 respōdre les auersaires, soustenāz ladite Astro-
 logie diuinatiue, autrement dite Mathemati-
 que, sinō qu'aucun se trouuaſt si transporté de
 tout bō sens, qu'il osast quāt aux loix des Em-
 pereurs soy defēdre de la sorte d'un nōmé Lu-
 cius Bellancius grād propugnateur de ladite,
 Astrologie, lequel voyant qu'il ne luy estoit
 possible de donner solution à iceluy en la ma-
 niere de ceux qui n'ont de leur part defenses
 vallables, descēdēt à iniures, pensant par là sa-
 tisfaire & reporter victoire. Car il n'a eu hō-
 te d'escrire, que les Empereurs autheurs d'i-
 celles

Lucius Bel-
 lancius pour
 les Astrola-
 giens.

DE LA VRAIE ASTRO.

celles loix estoient ignorans & priuez de con-
gnoissance de tous bons ars & scièces. Et par
tant indiscrettement auoir icelles faites & pu-
bliées: façon de parler autāt abhominable, &
à reprouuer, comme sans aucune doutance &
repugnance ont telles loix & autres esté re-
ceües & comme iustes & raisonnables gar-
dées, non seulement par tout l'empire Ro-
main: mais aussi par les autres nations, qui
d'un commun consentement en ont vsé ia par
l'espace de douze ou quatorze cens ans. En
quoy faisāt il s'est luymesmes mōstré tresigno-
rant de la forme d'establir loix, & constitu-
tions, gardée par iceux Empereurs, qui ne sou-
loient ce faire, sans la deliberation de leur cō-
seil, composé de gens de sçauoir, & des plus
suffisants de toutes leurs terres & dommai-
nes. Et ce du temps, que toutes sciences estoient
en plus grand regne & estime, que depuys el-
les n'ont esté, & encores ne sont à present.

Aumoyen dequoy d'alleguer contre telles con-
stitutions ignorance, est descouuoir tresenidē-
ment la sienne. Et outre, debatre & mesdire
de ce que tant de gens & bons espritx ont par
si long temps suyuy & aprouué, qui est outre-
cuidance


cuidance non tolerable audit Bellancius, digne d'estre vengée par les loix & Iuges, non al'en contre de l'auteur, qui est decedé: mais du liure, lequel, cōme iniurieux cōtre les saintes & sacrées constitutions, doit estre publiquement laceré, & les impresion & lecture en estre defendues. Autres & plusieurs tant raisons & remonstrances, qu'authoritez, eussions peu mettre en auant, & descrire en ce liure, n'eust esté, que des le commencement nostre intètion a esté, non de recueillir tout ce que de ceste maniere se peut dire & extraire de tous les escriuants, qui en ont parlé: mais seulement de faire vn petit epitome, ou abregé, contenant les motifz principaux & argumens plus vrgens contre les professeurs, sectateurs, & confirmateurs de telle Astrologie diuinatrice. Par la lecture duquel i'espere, que les vrays amateurs de verité prendront plaisir & profit, qui sont les causes, pour lesquelles l'o doit apliquer son estude à lire tous liures. Laquelle Astrologie, depuis son cōmencement a tousiours eu des contredisans, mesmement gens de sçauoir & entenduz en le cognoissance de la Philosophie naturelle, au iugement desquelz l'on doit


DE LA VRAIE ASTRO.


doit faire plus d'arrest, qu'à tous les escritz
& remonstrances d'iceux pronosticateurs.
Et me fust ce pour le present auoir remōstré
aux menues gens, Chirurgiēs, Barbiers & au-
tres ia imbuiz de leur faulse doctrine par leurs
pronostications, almanachz, & autres libel-
les contenuz & diuulguez, qui n'ont cognois-
sance des langues Græque & Latine. Car les
sçauāz peuuent à suffisance estre instruitz par
les liures composez par le Comte de la Mirā-
dole contre iceux Astrologues, esquelz il a
recueilly bien & au long tout ce qui peult ser-
uir à ce propos.

Fin de l'epitome de lavraye Astro-
logie & de la reprouuée: Im-
primé à Paris par Estien-
ne Groulleau.









2

RES

6



